


Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4490/A







Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4490/A





Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4490/A




Early European Books, Copyright © 2012 ProQuest LLC.  
Images reproduced by courtesy of The Wellcome Trust, London.  
4490/A












4490/A


N 14

V. VI. Fli

















MURNER, T.



47049



NEBVLO NEBVLO NVVM;  
*Hoc est,*  
I OCOSERIA MODERNAE  
NEQVITIAE CENSURA;  
QVA HOMINVM SCELERA,  
*torum fraudes, Doli ac ver,*  
*sutia æri aëriq; expo,*  
*nuntur publice:*  
CARMINE IAMBICO DIME,  
*tro adornata à*  
IOANNE FLITNERO, Franco,  
*Poëta Laureato.*



FRANCOFVRTI  
Apud Iacobū de Zetter.  
Anno M.DC.XX.



G. STEEVENS

FRANCOTVRI

Apud Jacobum de Zener

Anno M. DC. XX.





CONSULTISSIMO, AMPLISSIMIS  
& Spectatissimis viris,

CD. DOMINICO	{	PORSIIS	{	U. J. D.
CD. JOANNI-JA-				Reip. FRANC.
COBO				ciuibus pri-
CD. JOANNI	}		}	mar.

TRIBVS GERMANIS FRATRIBVS,  
Mæcenatibus colendis  
D. D. D.

**S**CIO, VIRI AMPLISSIMI,  
miraturos vos meam in dicendo hoc  
A. V. Poemate audaciam. Scio, in-  
quam. Diu hoc mihi præmeditatum  
est. Ab vna etenim parte absurdam  
(vt prima fronte videbitur) tituli nouitatem vobis-  
cum pensitabitis: ab altera materiam ipsam, inibi  
tractatam, viliozem, quam quæ A. V. conueniat, repu-  
tabitis. Atque, vt verum quidem fatear, poterat me  
inuitata libelli huius effigies à proposito dimouere,  
splendoris potissimum vestri & authoritatis, quibus  
assatim in nobili nostro FRANCOFVRTO apud o-  
mnes indubie polletis, respectu deterritum. Sed nescio  
qua erectus ~~euas~~ <sup>euas</sup> tenacem propositi mentem re-  
tinui. Qua de causa, vbi bina, iam dicta, obstacula è  
(§) 2 pedibus



pedibus remouero, facile dedicationem vobis hanc non  
adeo displicituram confido. Titulus, dixi, nouus atque  
insolens videri potest. Fateor; sed videri. Reuera e-  
nim non est: cum à priscis seculis ita receptum sit,  
Scapha vñ vocitetur Scapha, Nebulo Nebulo. Mate-  
ria vilis est; & istud fateor, sed ita tamen vilis, vt non  
vilissima. Si libere, quid sentiam, loqui velim, gra-  
uem potius & necessariam illam respectu sui dicere  
ausim. Etenim

Haud facile est, NEQVAM noscere posse  
virum.

Imo vero hic Rhodus, hic salta. Sunt enim nebulo-  
nes iis plerumque moribus præditi, vt nequitiam &  
fraudem suã non modo nõ cuius obuiam, manibusq;  
veluti palpandam, prostituant, sed & mille eam mo-  
dis, milleque artibus palliare, velare atque obtegere  
norint. Vestri autem respectu quin vilis sit, negare  
nolo. Sed aliorum meo proposito exempla calcar ad-  
dunt, quos idem, quod ego iam, factitasse lego. Sic  
SCHOPPERVS, Poeta elegans, Vita aulica specu-  
lum, sub VLPIS REINIKE aliorumque anima-  
lium Comædia editum, MAXIMILIANO II. Ro-  
manorum Imperatori augusto dedicare non fuit ve-  
ritus. Idem, qui GROBIANVM edidit, fecit. Sex-  
centa alia possem adducere, si opus esset, sed res in-  
aprico est. Aequa igitur vos hanc meam dedicationem  
fronte suscepturos plane nullus dubito, cum præsertim  
ea vos humanitate ac comitate præditos comperiar,  
vt omnis omnino ambigendi scrupulus è pectore meo  
iamdudum plenissimè sit exemptus. Bene igitur va-  
lete,




*lete, meumque hoc quaecunque in vos studium equi  
bonique consulite. FRANCOFVRTI AD MOE-  
NVM, Calendis Decembr. anno era Christiana  
M. DC. XIX.*

Joannes Flitnerus, Fran-  
cus, P. L.



(S) 3 A D





# AD MOMVM

*Pro defensione tituli*

## EPIGRAMMA.

**I**Amdudum, NE BVLO sceleste, noui,  
Te nociua mihi parare tela,  
Et morsus satis inuidos minari.  
Nam tuos (mihi credito) ex amussi  
Perspectos habeo scioque mores.  
Tam dici bene nil potest ab vlllo,  
Tam geri bene nil potest ab vlllo,  
Quin fallaciter illud explicando  
In partem rapias statim sinistram,  
Subdolique Chamæleontis instar  
Ex albo facias nigrum colore  
Cum tamen pice nigrior nigella  
Sis ipse, & cute turpe sordidata,  
Gibbo turpiculus, recuruus ore,  
Pressis naribus, hispidis capillis,  
Torua fronte, humeris retro reflexis,  
Deorsum pede claudicans sinistro.  
Si versus steriles & inuenustos  
Taxabis, minus id mihi dolebit;  
Cum



Cum venæ reputem meæ rigorem,  
Nullius mihi conscius vel artis,  
Vel acuminis eloquentiæue;  
Cumq; ego ipse satis sciam superque,  
Quam sit curta mihi domi suppellex.

Si vero titulum feueriorem,  
Isti quem modo præfero libello,  
Taxabis, minus id tibi dolendum est,  
Cum vitæ malefacta cogitabis,  
Nullius tibi conscius boniue,  
Virtutisue, vel æstimationis.  
Istud scilicet vnice elaboro,  
Suo vt nōmine quemq; condecorem.

Nā quis pectore non putet vaciū,  
Atque omni ratione destitutum,  
Qui fœdam titulo suem Dianæ,  
Bubonem titulo beet columbæ?  
Par hic est ratio, recursus idem.  
Quis non pectoris impotem vocaret,  
Meque omni ratione destitutum,  
Si malum titulo boni bearem,  
Si bonum titulo mali grauarem?  
Quin suem potius suem vocabo:  
Qui n malum potius malum vocabo:  
Quin nequam potius vocabo nequā,  
Si malus bene discet actitare,  
Tunc boni quoq; nomen impetrabit:

Sin



Sin minus, malus est, malus manebit,  
Heus, Nequam, bene discito actitare,  
Si nequam renuis malus vocari.  
At dum nequitiae vacare perges,  
Nequam es, Nequam eris, & maneto  
Nequam.



N E B V-





# NEBV LONIS NEBV LONVM,

*sive*

## CENSVRÆ NEQVITIÆ

ODA I.

*Summam opusculi continens.*

N V C L E V S.

*Perito in sua arte est standum.*



Idem meretur integram  
Peritus arte qualibet,  
Quicumque callet strenue  
Virum tuerier suum.  
*Sic Bartolus de iuribus,*

*Hippocrates de pharmacis,  
Sic Musicus de Musica,  
Et vinitor de vinea,  
Pistorque de filigine  
Dijudicabit optime.*

A

Ego



Ego nebulonis indolem,  
 Fraudes, dolos, fallacias,  
 Nebulone bis scelestior  
 Olim, iuuenta dum genas  
 Adhuc notaret albidas,  
 Cum prorsus ac ex intimis  
 Cognouerim recessibus,  
 Quis, queso, congruentius,  
 Viuisq<sup>3</sup> cum coloribus  
 Eundem Apelles pingeret?  
 Vbi hanc in auram proditus  
 Vix siccus essem redditus,  
 Iam tunc viramq<sup>3</sup> pessimus  
 Aurem obsidebat furcifer.

Hinc ergo constat, optimo  
 Quod iure primas occupem.  
 Hinc, quem videtis, indicem,  
 Nequam refertum plurimis,  
 Falsariis turpissimis,  
 Vanis tenebrionibus,  
 Malisq<sup>3</sup> stellionibus,  
 Scaturientem scriptito,  
 Huiusq<sup>3</sup> farris complicum,  
 Ternas fauore symboli  
 Si reseras iniecerint,  
 Infame nomen infero,  
 Locumq<sup>3</sup> signo congruum;  
 DIGNVM PATELLA OPERCVLYM.

Fortassis admiraberis,

Lector,



O D A I.

Hic nebulones in album confignat.



Lector, meam solertiam,  
Prudentiaq; copiam,  
In collocandis ordine,  
Ceu singulorum postulat  
A me praeminentia,  
Istis homuncionibus:

A 2

Sed



*Sed defines mirrarier :*

RERVM MAGISTER VSVS EST.

*Tu, si tibi scientiam  
Cupis parem conquirere,  
Heus, ciuitatem protinus,  
Quam prisca Francorum vada,  
Maeno alluente, nominant;  
Adito, quando iuuerit,  
Celebresque vise nundinas :  
Perterritus periculo  
Carior redibis illico.  
Ibi nebulo turpis, rapax  
Impostor, & trifurcifer,  
Velut in cloacam, confluunt.*

*Sed quid locum determino ?  
Cum cuique sit notissimum,  
Quod sicut aquor piscibus,  
Sic qualibet nebulonibus  
Tellus abundet grandibus;  
Quos tu, fidelis Delie,  
Scripturienti sugere,  
Acresque iambos subiice,  
Vt nexiles nequissima  
Dolos cohortis concinam,  
Et simplices de fraudibus  
Cautè cauendis instruam.  
Procul hinc probi faceßite :  
Nequam phalanx accedite.*

NOTE.



**P**ERITIS in vnaquaque arte standum esse, 1.  
 perspicue dicit Vlpianus in l. 1. in princip. ff. *Peritis in*  
*de ventre inspic. l. bonorum, de bonorum possess. l. inte-* *arte sua sta-*  
*stato, de suis & legit. §. quod autem à nobis. in auth.* *tur.*  
*de non alienan. l. semel. C. de re milit. lib. 12. l. 7. §. de*  
*statu homin. cap. significauit. de homicid. cap. propo-*  
*suisti. de probat. cap. fraternitatis. de frigid. & ma-*  
*les. gloss. in §. prater ea. Instit. de rer. diuis. Et qui-*  
*dem non absque ratione. Vnusquisque enim*  
*bene iudicat, quæ cognoscit, & horum est bonus iu-*  
*dex; teste Aristot. l. 1. Ethic. Stratonicus olim*  
*recte, Ptolemæo rege de Musica cum ipso*  
*different: Aliud, inquit, est, ô Rex, sceptrum, a-*  
*liud plectrum. Idem Minnaco fabro, secum de*  
*Musica disputanti: Non animaduertis, inquit, Ne furor ul-*  
*te supra malleum loqui? Idem quoque in quen-* *tra crepidâ.*  
*dam, qui cum primo fuisset olitor, postea fa-* *Apelles.*  
*ctus musicus, de arte secum contenderet,*  
*pronunciauit senarium græcum vulgo cele-*  
*brem:*

Ἄδοι τις ἢ ἐργαστοῦς εἰδέναι τέχνην.

Quam quisque nouit artem, eam canat licet.

De malitia, quæ toto hoc opusculo per- 11.  
 stringitur, neruose Bernardus scribit, quod *Malitia*  
 multorum tibi sit loco: Habet, inquit, mali- *mores.*  
 tia currum suum, rotis quatuor consistentem, sci-  
 tia, impatientia, audacia, impudentia. Valde enim  
 velox est iste currus ad effundendum sanguinem, qui



*Mali corui,  
malū ouum.* nec innocentia sistitur, nec patientia retardatur, nec timore frenatur, nec pudore inhibetur. Trahitur autem duobus pernicibus equis, & ad omnem perniciem paratissimis, terrena potentia & seculi pompa. Porro president his duobus equis aurigæ duo: Timor & liuor. Timor quidem pompam, liuor potentiam agit. Tantas profecto vitium hoc tamq; profundas nostro seculo egit radices, vt infinitus propemodum nequitia tyronum sit numerus. Ipsi etiam pueri ætate quanquam sint minores, malitia tamen pares. Non secus ac serpentum pulli etsi breuiiores quidem sunt, veneno tamen æquales: catuli luporum etsi venatione nocere non possunt, iam tamen sanguine gaudent & morsibus lædunt; quam similitudinem habet Chrysost. super Matth. cap. 22. Eunuchus olim quispiam, ceu refert Laertius lib. 6. & Bruson. lib. 4. cap. 11. contaminatæ famæ, inscripserat ædibus suis: Μηδὲν εἰσὶν κακόν. Ne quid ingrediatur malum. Id videns Diogenes: Aedium, inquit, Dominus qua ingreditur? At hodie Diogenes si viueret, quid diceret?

Olim peculiare quædam nationes nequitia præ aliis insigniores dictabantur, quod par Senariorum ostendit:

Λύδοι πανηροί, δεύτεροι δ' Αἰγύπτιοι,  
Τεῖτοι δὲ πάντων Κάρες ἐξωλέσθητοι.  
*Lydi improbi, post hos secundi Aegyptii:  
Tertiusq; Cares perditissimi omnium.*

At



At nostro hoc tempore tam late zizania nequitiae excreuere, vt paradoxon quoddam videri debeat, vni atque alteri nationi peculiariter eandem, & quasi κατ' ἐξοχλήν, attribuerē.

Quod si tamen iocari libeat aut liceat, fatendum est, & nostris hisce temporibus quoddam vulgo nationes nequitiae nomine & gradu celebriores existimari, qua de re facetam & salsam quandam historiolum iuuat attexere. Tempore belli Smalcaldici, siue Protestantium, vt vulgo vocant, commisso inter Imperatorem & Principes protestantes acri praelio captus erat miles quidā, corpore procerus, facie truculentus, animo, vt dicebatur, ferox atq; imperterritus. De cuius animositate cum ad Ferdinandum Romanorum regem (iam autem neci adiudicatus erat miser) relatum esset, iussu regis ē carcere in conclauē adductus est, vt de facie ipsum, quem ob pectoris magnitudinē saepe laudari audiuerat, intueretur. Quem cū Rex interrogasset, cuias esset, atq; ille Hassum se esse natione respondisset, Bonum, inquit Rex, nequitiae hoc est augurium. Cum iterum locum, vbi educatus esset, rex perquisiuisset, illeq; Inter Westphalos, dixisset, Recte, inquit Rex, conueniunt signa: sed vbi hactenus locorum vixisti? Inter Bohemos, respondit ille. Cui Rex, Omnia, inquit, conueniunt. Nā hi, quib. cū te hactenus



vixisse, & à quibus satum te esse dicis, tripe-  
dum omnium sunt nequissimi. Cui miles,  
Heus, inquit, Rex inuictissime, concedo  
quidem, quæ dicis, sed istud te scire ve-  
lim, vnam adhuc nationem deesse catalogo  
huic, quæ si accenderetur, tunc demum ne-  
bulonum numerum perfectum atque abso-  
lutum fore.

Quam cum cognoscere voluisset Rex, im-  
punitatemque liberioris dicti ipsi promis-  
set, Hispanos miles ait istos esse, tacite false-  
que Regis, natione Hispani, patriam suggil-  
lans. Rex ingenii ipsius acumine animique  
fortitudine collaudata tantum abest, vt ob-  
*παρρησια* istum pœna affici curauit, vt mul-  
to magis, stipendio donatum, saluum atque  
incolumem dimiserit.

Verum vt vt sit, tantas certe nequitia v-  
bique iam terrarum, vt & paulo ante dixi, ra-  
dices egit, vt optimo iure Plauti istud suffra-  
gium huc possis repetere, quod tale est in  
Trinum.

*Novi ego hoc seculum, moribus quibus sit : malus  
bonum malum*

*Esse vult, vt sit sui similis : turbant, miscent mores  
mali : rapax,*

*Auarus, inuidus, sacrum profanum, publicum  
priuatum habent ;*

*Hiulca gens, hæc ego doleo, hæc sunt quæ excru-  
ciant :*

*Hæc*



O D A II.

9

*Hæc dies noctesque tibi canto, vt caueas, quod  
manus non queunt  
Tangere, tantum fas habent, quo manus absti-  
neant.*

O D A II.

*In Theologos contentiosos & nugigerulos.*

N V C L E V S.

*Sacris non sunt miscenda friuola.*

**H***VC, qui ministri ecclesiæ  
Audire vultis candidi,  
Cum sitis atri, pergite:  
Quid vestra vosmet munia  
Efflagitent, attendite.  
Sacras docere literas,  
Precesque crebro fundere.  
Quid vos? minus nil, proh dolor!  
Nam fabulas Æsopicas  
Loco sacrati codicis  
Nugasque plane friuolas  
Narratis auditoribus:  
Nux cassa quanti veneat;  
Vt simius saltauerit;  
Quot caseos confecerit  
Stillans oculo Phylliris,  
Vel ne rudes putemini,*

A S

Et



NEBVL. NEBVLO.  
Hic de caruleis prædicat anatibus.



Et imperiti caudices,  
Mox disputatiunculis,  
Vafrisque questiunculis,  
Lites mouetis maximas,  
Probrisque vosmet inuicem  
Atrocibus proscinditis,  
Ut pingue carnis frustulum,  
Panisue portiunculam

Vestro



Vestro vorare munere

Catellus erubesceret.

Vel forte bacchanalia

Tumultuationibus,

Collusitationibus,

Crapulaq; clamitantibus

Cum rusticis traducitis.

Si fors habenda concio,

Clausis adhuc ocellulis,

Vix verba textus ebrii

Vel literas agnoscitis.

Proh quam scelus nefarium,

Pœnaq; dignum maxima!

Vos, vos præire semitam

Rectam decebat ad Polum;

At maximo vos impetu

Recta sub Orcum tenditis.

Quid verba profunt splendida,

Si facta defunt congrua?

Hoc ANSERES est scilicet

DEPRÆDICARE CÆRVLOS.

N O T Æ.

**I**T A profecto est; Omnia nunc solent

In peius ruere, & retro sublapsa referri, & cum

his magna etiam Theologorum caterua,

quorum munus tremendum tantam ab iis

curam, ac providentiam flagitabat, ut dies

noctesque id vnice operam darent, qua

ratione multas Christo animas lucrari

possent. At eo res prohi dolor rediit,

ut plu-

1.

Theologorum

quorundam

impietas.



ut plurima nunc eorum pars non ouicularum suarum, sed propriam, eamque terrenam, quærant salutem, ambitionem sectentur, auaritiam & monopolia exerceant, alex, venationi voluptatibusque indulgeant,

*Et ludant in equis, canibusq; & aprici gramine campi.*

Alii, qui paulo probiores videri volunt, rixas inutiles cient, culices excolant, deglutiunt camelos, templa, scholas, curias, respublicas replent tumultibus, concutiunt populos, vexant regna, sollicitant bella, diruunt ecclesias, rabidi canes, non sacri præcones, non homines, sed lupi, quibus volupe est, pecus sibi commissum deglubere, atq; vna secum in æternum exitii barathrum præcept dare. Neque id adeo mirum.

Vetus hæc est querela Bernardi, qua deplorat Sacerdotum quorundam malitiam: *Heu! Heu! inquit, Domine Deus! quia ipsi sunt in percussione tua primi, qui videntur in ecclesia tua primatum diligere, gerere principatum, arcem Simonis occupauerunt, apprehenderunt munitiones & vniuersam deinceps libere tradunt incendio ciuitatem. Non est iam dicere, ut populus, sic sacerdos: quia nec sic sacerdos, ut populus.*

Quid alibi miretur, nimirum lib. 3. de conf. ad Eugen. item audi: *Miror, ait, cuius ordinis sint nostri clerici. Nam in congregatione temporalium se habent, ut laici: in apparatu nobili, ut milites:*



*Res: in acquisitione reddituum, ut clerici; sed non laborant, ut laici, neque pugnant, ut milites, neque evangelizant, ut clerici: & cum utriusque ordinis esse cupiant, utrumque deserunt, utrumque confundunt. Et alibi: Ministri Christi sunt, & seruiunt Anti-christo, honorati domini, cui honorem non deserunt. Inde, quem quotidie vides, meretricius nitor, histri-  
nicus habitus, regius apparatus. Inde aurum in fre-  
nis, in sellis, in calcaribus: plus calcaria, quam altaria  
fulgent. Inde mensæ splendida scyphis & cibus. Inde  
comestiones & ebrietates. Inde cythara & lyra, in-  
de torcularia redundantia, promptuaria plena, eru-  
stantia ex hoc in aliud. Haftenus Bernardus.*

*Quæ si ad aliquos nostræ ætatis Theo-  
logastros adaptentur, mirum, quanta vtro-  
rumque inter se harmonia existet? Ut lautis-  
simam quorundam luxuriam, ἀκολασίαν, scor-  
tationem, temulentiam, multa que alia & a-  
trocissima & turpissima vitia taceam, quem  
non commoueant lites, rixæ atque conten-  
tiones, quas nonnulli & publice & priuatim  
maximo cum auditorum scandalo excitant?  
Si penitus illas inspexeris, mera inuidiæ &  
liuoris venena deprehendes, non utilitatis,  
non ædificationis, sed ambitionis, sed vanæ  
alicuius gloriolæ gratia suscepta. O Theolo-  
giam ἀθεόλογον! O sacrilega sacra!*

*Quod autem veri animarum pastoris offi-  
cium sit, Ambrosius ep. 26. docet: Sobriam à  
turbis gravitatem, seueram vitam, singulare pondus  
digni-*

II.

Eorum del.  
officium.



dignitas sibi vendicat sacerdotalis. Et Chryso-  
stomus in Matth. 23. Videte, inquit, quomodo se-  
deatis super cathedram, quia cathedra non facit sa-  
cerdotem, sed sacerdos cathedram: non locus san-  
ctificat hominem, sed homolocum. Qui bene sedit  
super cathedram, honorem accipit ab illa: qui male  
sederit, iniuriam facit cathedra. In iudicio enim se-  
des. Si bene vixeris & bene docueris, omnium iudex  
eris. Si autem bene docueris, & male vixeris, tui so-  
lius. Nam BENE VIVENDO ET BENE DO-  
CENDO populum instruis, quomodo viuere debeat:  
bene autem docendo & male viuendo Deum instru-  
is, quomodo debeat te condemnare.

## III.

*Facta lau-  
dē meren-  
tur, non  
verba.*

*In Orat.  
consol. de  
pair. calam.*

Multi verbis admodum sunt prodigi, fa-  
ctis autem parcissimi. Tales etiam inter  
Theologos dantur quamplurimi, quos ta-  
men illud Nazianzeni aduertere par erat;  
Non is, qui verbis sapit, mihi sapiens erit, neque is qui  
linguam habet volubilem, animum vero inerudi-  
tum, sepulchrorum instar, quæ extrinsecus sunt ornata  
& speciosa, intus autem mortuorum caduera, &  
multū recondunt fœtorē. Sed ille, qui pauca de virtute  
loquitur, multa vero ostendit operibus, fidemq; ser-  
monis per vitæ roborat actionem: siquidem longe  
mihi præstabiliior est forma pulcritudo, quæ conspici  
potest, quam quæ sermonis pingitur industria: nec  
non diuitia, quæ manibus continentur, quam quæ ef-  
finguntur somno ac sapientia, quæ non sermonibus  
splendet, sed operibus collucet. Intellectus enim bonus  
omnibus facientibus eam, Scriptura inquit, & non  
qui prædicant illam.

Deni-



Deniq; quid verbis opus est? Spectemur  
agendo. [Ouid. 13. Met.]

## O D A III.

*In Procuratores flexiloquos, & rabulas  
forenses.*


## N V C L E V S.

*Ius cereum, quo volunt, rabulæ  
flectunt.*

**C**ensura nunc tornatiles  
Iuris peritos prouocat,  
Qui, ceu lubet, ius cereum  
Torquent, retorquent, vellicant.  
Horum ministrant fraudibus  
Digesta, Decretalia,  
Codex, Nouella, Rubrica  
Dein glossa, lex, paragraphus,  
Libellus atq; replica,  
Mox duplica & mox triplica:  
Sic triplicatur litibus,  
Plicasq; inexplicabiles  
Plicis plicando complicant,  
Vt explicari postea  
Nullo queant negotio.  
Tum Baldus atq; Bartolus,  
Iason, Cynus, Cuiacius  
Durandus & Gomezius,  
Osascus atq; Gailius,  
Mascardus & Menochius,

Capi-





Capicius, Calcaneus,  
Zuccardus & Giphanius  
Donellus atque Bosius,  
Capolla, Farinacius,  
Connanus atque Accursius,  
Corasius; Costalius,

Cra-



Crauetta, Collarruias,  
Forcatulus, Marsilius,  
Maranta, Natta, Mantica,  
Morneus atq; Mozzius,  
Mudaus & Muscornius,  
Pagninus, Oldendorpins,  
Pinellus atq; Scipio,  
Sichardus & Sigonius,  
Negusantius, Sonsbecius,  
Et quis retexat singulos?  
Contentiosa millies  
Vocantur in certamina,  
Tot sensa, quot Capitolia:  
Tot iura, quot volumina.  
Affirmat hoc Corasius:  
Idem negat Costalius.  
Idem Maranta comprobat:  
Idem Maranta reprobat.

Non continere me queo,  
Quin quid noui recenseam,  
Quod forte nuper accidit.  
Gnatum educabat rusticus,  
Quem liberalioribus  
Fors manciparat artibus.  
Hic cum progressu temporis  
In iure sic profecerat,  
Vt iuris vtriuslibet  
Doctor creatus publice  
Laudem referret maximam.  
Noui parentes gaudet

E

Hic



*Hic redditurus compotes  
 In patriam decreuerat  
 Migrare: sed, ne tadio  
 Affligeretur temporis,  
 Si forsit an diutius  
 Moras ibidem neçteret,  
 Digesta secum detulit,  
 Corpusq; iuris integrum;  
 Vt, si daretur otium  
 Quandoq; ius euolueret.*

*Crassum volumen intuens  
 Pater obstupescit pectore,  
 Tacitoq; secum murmura  
 Proceritatem suspicit  
 Et vastitatem codicis;  
 Gnatumq; tandem interrogat,  
 Quorsum liber conduceret  
 Tam mole grandi praditus:  
 Respondet illi filius:  
 Heus illa, quæ maiusculis  
 Excusa cernis literis,  
 Ius illa verum continent;  
 Sed illa, quæ minutulis,  
 Excusa cernis literis,  
 Hæc continent glossemata,  
 Iurisq; strategemata,  
 Et explicatiunculas  
 Astutiores suggerunt,  
 Quibus alicuius optimum  
 Quandoq; ius subuertimus.*

Re-



Responſa condit pectore  
arens; ſed, en, poſtridie,  
abſente caſu filio,  
occupato forſitan  
deambulationibus,  
tanu prehendit forcipem;  
per ſingulasq; paginas  
gloſſas refellit ordine,  
chedulasq; late ſordidis  
tunc inde ſpargit adibus.

Reuerſus inde filius  
gloſſasq; ſparſas intuens  
agno furore accenditur,  
librumq; ſciſſum conquerens  
cum patre valde expoſulat.

Cui ſubiratus pater  
reſponſa reddit talia:  
deus nate paulum comprime  
ra furores effera:  
Nuper per hac gloſſemata  
urisq; ſtrategemata  
Hortum venuſtum perdiſi.  
Hinc iure libris ex tuis  
Argutias has flexiles  
fallaciasq; reſcidi,  
Ne forte tecta, prædia,  
Pecudes, agros, pecuniam,  
Hortosq; perdam ſingulos.

Tu, quiquis es, notabilem  
Attende ſemper regulam:

B

2

VITA



## VITA FORENSES HARPAGOS:

*Hi voce sunt qui literas,  
Sigilla lingua perforant.*

## NOTÆ.

1. **L** Ex, Cicerone teste, est *vinculum ciuitatis*,  
Iuris & le- *fundamentum libertatis, equitatis fons, mens,*  
gum præstā- *animus, consilium, sententia: & vt corpora nostra si-*  
tia. *ne mente. sic ciuitas sine lege esse non potest. Imò, te-*  
*ste eodem, in oratione pro Aulo Cæcinnâ,*  
*Qui ius ciuile contemnendum putat, is vincula re-*  
*uellit non modo iudiciorum, sed etiam utilitatis vitæ-*  
*que communis. Aristoteles lib. 5. de republ. cap.*  
*9. eos, qui leges tollunt, respublicas tollere, & lib. 1.*  
*Rhet. c. 4. Salutem ciuitatis in legibus sitam esse*  
*asserit. Hinc Heraclitus dicebat, ciues non*  
*minus oportere pugnare pro legibus, quam*  
*pro mœnibus. Quod absque legibus nullo*  
*pacto possit esse ciuitas incolumis, absque*  
*mœnibus possit. Laert. lib. 9. cap. 1. Legibus*  
*proposita sunt supplicia vitis, premia virtutibus:*  
*ait Cicero 2. de Orat. Nimirum*

*Quid tristes querimonia,*

*Si non supplicio culpa reciditur?*

*Quid leges sine moribus*

*Vana proficiunt? si neq. feruidis*

*Pars inclusa caloribus*

*Mundi, nec Boreæ finitimum latus,*

*Durataque solo niues*

*Mercatorem abigunt? horrida callidi*

Vin-



*Vincunt equora nauita.*

Horatius lib. 3. Oda 24.

Sunt, qui leges araneorum telis adsimiles II.  
faciunt, in quas si animal leuius aut imbecil- Rabularum  
lum incurrat, hæret, sin maius aliquid, per- forensium  
rumpit. Vall. lib. 7. cap. 2. Laert. lib. 1. cap. 3. nequitia

Hi sunt qui causas protendunt adhibiti, impediunt atq; impo-  
ratermissi, fastidiunt admoniti, obliuiscuntur locu- stura.  
pletati. Hi sunt, qui emunt lites, vendunt intercessionem, Sequentia  
deputant arbitros, iudicanda dictant, dictata conuel- omnia sunt  
lunt, attrahunt litigaturos, protrahunt audiendos, Cassiodori.  
retrahunt transigentes. Cass. sup. illud Psal. 73. Ir-  
titat aduersarius nomen tuum.

Et ibidem: Hi sunt, qui negant ciuitatibus in-  
ducias, mercatoribus nundinas, emtoribus mensuras,  
reuerentiam clericis, originem nobilibus, locum prio-  
ribus, cunctis iura, distinctis priuilegia, quibus nullum  
genus hominum, ordinum, temporum cordi est.

Et eodem in loco: Hi sunt in conuiuio scurra,  
in exactionibus harpyia, in colloctionibus bestia, in  
questionibus statua, ad intelligendum saxei, ad iudi-  
candum lignei, ad ignoscendum ferrei, ad amicitias  
pardis, ad facetias vrsi, ad fallendum vulpes, ad su-  
perbiendum tauri, ad consumendum minotauri. Hi  
sunt, quorum si nares afflauerit cuiusquam rubiginosi  
aura marsupii, confestim videbis illic oculos Argi, &  
manus Briarei, & Sphynгарum vngues, & periuria  
Laomedontis, Vlyssis argutias, Sinonius fallacias, fi-  
dem Polymnestoris, & pietatem pigri leonis adhi-  
beri.



Alanus etiam de conuestione naturæ si-  
 dus caufidicorum euoluit. Genethliacon ta-  
 le est: Si quis armatus est pecunia, tanquam loricis  
 argenteis, torrentis impetum Tulliani, fulgur incur-  
 sus Hectorei, robur virtutis Herculeæ, verisipellis V-  
 lyssis vilipendit astutias. In tantum enim habendi fa-  
 mes incanduit, vt Dialecticæ muta sit subtilitas, Rhe-  
 toricæ languescat ciuilitas, vbi nummorum perorat  
 pluralitas. Et idem ibidem. Si in aurem iudicis vel  
 aduocati susurret pecunia, Orphei lyra, carmen Am-  
 phionis, Musa Virgilii, voce pecuniæ suffocantur. Quid  
 plura? Vbi nummus loquitur, Tulliani eloquii tuba  
 raucescit: vbi nummus militat, Hectoreæ militia ful-  
 gura compefcuntur: vbi pugnat pecunia, virtus ex-  
 pugnatur Herculeæ: nummus vincit, nummus re-  
 gnat, nummus imperat vniuersis.

Hinc non abs re Ouid. lib. 1. Amor. eleg.  
 10.

*Turpereor, miseros emta defendere lingua,  
 Quod faciat magnas turpe tribunal opes.*

De istiusmodi rabulis plura qui volet co-  
 gnoscere, adeat Thomæ Garzoni Piazza v-  
 niuersale, Italo sermone olim, nunc vero  
 Germanice nundinis hisce Francofurtensi-  
 bus autumnalibus editum, vbi plurima in-  
 ueniet. Non me contineo, quin & Cornelii  
 Agrippæ de hac hominum fece iudicium in  
 medium proferam, quod in inuectiua eius  
 de incertitudine & vanitate scientiarum ta-  
 le est:



le est: *Aduocatorum ac procuratorum fraudulentissima ars, suasio cooperimento subdole adornata, hac est: scire iudicem persuasione demulcere, & ad omne arbitrium vti, scire iuribus vel inuentis glossis ac commentis, leges quascunque pro libidine fingere & refingere, vel iniquis quibusque diuerticulis illas subtersugere, aut fraudulentam litem prorogare: sic citare leges, vt peruertatur aequitas, sic glossatorum adstruere authoritatem, vt subuertatur sensus legis, mensque legislatoris: in hac arte plurimum momenti habet, altum vociferari, audacemque, & in litigando clamosum & improbum esse. Isque habetur aduocatorum optimus, qui plures allicit ad litigandum, & promissa spe vincenda litis in iudicium impellit, stimulatque impiis consiliis, qui venatur appellationes, quique est egregius rabula, ac iurgiorum author, qui garrulitate ac linguae viribus nihil non possit: sed & quamuis causam, iniustam licet, alteri iudiciorum prestigiis praeferre, ac vera & iusta isto modo dubia & iniqua facere, iustitiamque ipsam suismet armis profligare, pervertere, prosternere: apud quos iustitia nihil est, nisi publica merces, at*

Iudex in causa qua sedet acta probat.

*Sed & ea etiam, quae non sunt rerum scilicet priuationes & silentia, precio exponunt: nam vt nullus eorum loquitur, nisi ad mercedem, ita nec tacet, nisi ad premium: exemplū puto Demosthenis, qui cū Aristodemū fabularū authorem interrogasset, quantū mercedis, vt i ageret, accepisset, & responderet ei, Talentū:*



At ego, inquit, plus accepi, vt tacerem. Causidico-  
rum siquidem lingua tam damnifica est, vt, nisi vin-  
ciatur muneribus, fieri non possit, quo minus noceat.

## O D A I V.

*In Calumniatores ac delatores.*

## N V C L E V S.

Melius est, in coruos incidere, quam  
in adultores.

**S**i quicquid exoptabile  
E pectoris sententia  
Vellem mihi succedere,  
De cordis illud intimis  
Exposcerem recessibus,  
Vt, qui student calumniis,  
Ab arbore ambo pendeant,  
Qui gestat, ore pensilis,  
Qui captat, aure nexilis.  
Vix turpius calumnia,  
Detractione tetrius,  
In orbe crimen noscitur;  
Vix vsitatus tamen  
Crimen, scelusq, notius,  
Quod perpetretur sapius:  
Non Imperator effugit,

Non



ODA IV.

25

Vinum hic venale proclamat.



Non Principes, non Nobiles,  
Non diuites, non pauperes,  
Non ciuici, non rustici,  
Non masculi, non foeminae,  
Vitare possunt liuida  
Aculeos calumnia.

B S

Quin



Quin ipsa saepe turpibus  
 Virtus patet calumniis.  
 Honore quamuis Casarem,  
 Labore quamuis Herculem,  
 Sapientiaq<sub>3</sub> Socratem,  
 Oratione Tullium  
 Vincas, tamen calumnia  
 Telo peteris noxio.

Sic olim Homerum Zoilus,  
 Simonidem Timocreas,  
 Amphimenesq<sub>3</sub> Pindarum,  
 Calumniis grauissimis  
 Ausi fuere persequi.

Quid multa? quamuis adforet  
 Demosthenis facundia,  
 Platonis eloquentia,  
 Isocratis dicacitas,  
 Tamen nequiret singula  
 Calumnia retexere  
 Venena, damna, vulnera,  
 Quibus innocentes implicat,  
 Miserrimeq<sub>3</sub> conficit.

Quamuis enim mendacia  
 Curanda non sint anxie,  
 Vetus est tamen diſterium,  
 Quod ore semper gestitat  
 Calumniatrix turbula,  
 Locumq<sub>3</sub> saepe repperit:  
 CALVMNIARE STRENVE:

Si non



Si non nocebunt omnia,  
Saltem nocebunt pleraq<sub>3</sub>.

NOTÆ.

Multi censores sunt calumniæ, pauci oso-  
res. Ex censoribus, hem tibi vnum atq; alte-  
rum.

I.  
Calumniæ  
vitium.

Cleanthes.

Κακὸν γὰρ πλεονέχον ἐστὶν ἀβουλῆς ἐπὶ πᾶσι,  
Λάτρεα γὰρ ἀπατήσασα τὸν πεπεισμένον  
μῖσος ἀναπλάπτει πρὸς τὸν ἐδὲν αἶτιον.

Nihil fere tam est malignum, quā calumnia.  
Hac enim ubi clam aliquem à se persuasum  
decepit,

Odium excitat aduersus eum, qui nihil est  
commeritus.

Euripides in Alexandra.

— Λιβαλαὶ δεινὸν ἀνθρώποις κακόν.

Vehemens malum est inter homines calumpnia.

Menander.

Οὐδὲν ἀβουλῆς ἐστὶν ἐπιπλεονέχον.  
Τὴν ἐν ἐτέρῳ γὰρ κειμένην ἀμαρτίαν.  
Ἄει μέμψιν ἰδίαν αὐτὸν ἐπαιναγὰς λαβεῖν.  
Τὸ δὲ κεῖν ἀβουλὴν ἔσχε μείζων τῆ παιδείας.

Nihil est grauius, quam calumnia

Nam quod alteri inest peccatum,

Ceu proprium suscipere necesse est.

Suspiciones maiorem pariunt calumniam,

quam ipsa facta.

Athanas. apolog. i. Qui lapide, inquit, ictus est,  
querit medicum: ictus autem calumniæ grauius,  
quam lapides feriunt. Est enim calumnia claua, &

glia-



*gladius, & iaculum incurabile. Sed his veritas mederi potest, quæ ubi negligitur, vulnera acerbiora fiunt.*

11.  
*Calumnia  
duplex re-  
medium.*

Duplex contra calumniam datur remedium: hoc dissimulandam, illud vindicandam esse ait. Prius suppeditat Menander:

ἡδὺν ἔδεν, ἔδ' ἐμυστικώτερον  
ἔς' ἡδύναδ' λοιδορέμῃον φέρειν.  
Ὁ λοιδορὸν γὰρ, αὐτὸ λοιδορέμῃον  
μὴ προσποιῆται, λοιδορεῖται δ' ὁ λοιδορῶν.  
*Lucundior res nulla, nec concinnior  
Conuitiantem posse quam nobis pati.  
Conuitia etenim si tibi quis fecerit,  
Id dissimula: & ille ipse tum qui fecerit  
Tibi, facta sentiet sibi conuitia.*

Posterior Basilii, epist. 65. Ad calumnias tacendum non est, ne mendacio inoffensum progressum permittamus, aut eos, qui seducti sunt, damno inherere sinamus.

Utrum nunc consultius, priusne an posterius? Mihi posterius videtur: cum præsertim idem ille Menander alibi in eandem sententiam pedibus eat, cuius en tibi Senarios:

Οὐδ' εἰ βολῆς χατὰ φρονεῖν, ἔδ' αὐτὸ σφόδρ' ἦ  
ψυδὴς ἐπίσταντ' αὐξάνειν αὐτὴν πνεύς,  
δὲ εἰς φυλάττειν τὰ τοιαῦτ' ὀρθῶς ἔχει.  
*Spernenda non est vel minima calumnia,  
Nam plurimi artem illius augenda tenent:  
Quos propter illam qui cauet, recte facit.*

Veruntamen anceps animi iterum hæreo, iamque fere in alterum latus propendeo, Alciati Emblemate 163. motus, quod adscribere libet:

*Audent*



Audent flagriferi matula, stupidi que magistri  
 Bilem in me impuri pectoris euomere.  
 Quid faciam? reddamne vices? sed nonne cicadā  
 Ala vna obstreperam corripuisse ferar?  
 Quid prodest, muscas operosis pellere flabris?  
 Negligere est satius, perdere quod nequeas.

## O D A V.

In milites Thrasones, gloriosos, blasphemos,  
 rapaces.

## N V C L E V S.

Nulla fides pietasque viris, qui ca-  
 stra sequuntur.

**Q**ui castra militaria  
 Exercitusq; bellicos  
 Sequuntur, hos blasphemias  
 Minasq; crudelissimas  
 Exercitare conuenit,  
 Per sacra, per mysteria,  
 Per passiones, vulnera,  
 Deique per potentias,  
 Per grandines, per sidera,  
 Elementa, fulmen, fulgura,  
 Per turbines, tonitrua,  
 Per mille tonnas Daemonum,  
 Et si quid his horrendius,

Iura-





Iurare oportet strenue.  
 Hoc asseuerant Symbolon  
 Virilis esse pectoris,  
 Signumq; fortitudinis.  
 His vnum idemq; creditur,  
 Vel pro Deo arma sumere,

Vel



Vel militare Demoni.

Hæc vna virtus militum,

Velutq; quoddam proprium.

Sui deinde muneris

Et illud esse existimant:

Vastare sacra, persequi

Ciues, domos incendere

Igni, stuprare fœminas,

Messes opimas perdere,

Frumenta, plumas, lectulos,

In aerem dispergere,

Furtis equos, pecuniam,

Piceisq; quæ fors vnguibus

Occuritant, subducere,

Et obuiantem quemlibet,

Vel sit nocens, vel innocens,

Modis scelestis angere,

Hi scilicet sunt milites,

Virig; fortes bellici,

Laboris infensissimi

Hostes, amici ignauia.

Non militant hi principè

Iuris tuendi gratia,

Sed vt rapinam exerceant

Maiore cum licentia,

Rastring; vitent pondera.

Si forte vino exæstuent,

Latitentue propugnaculis,

Proculue distent fulmine,

Horrenda sumunt cornua

Lin-



Linguaque vincunt Stentorem;  
 Nihilque ferme sapius,  
 Quam ferra pugnosc, verbera,  
 Turmas phalanges, ordines,  
 Tormenta scuta, vulnera,  
 Mortesque diras intonant.

Ad arma cum concurritur,  
 In crura corda decidunt,  
 Horrent, pauescunt, contremunt,  
 Adstantq; semimortui.

Mox quando odorant verbera,  
 Velociores ceruulis,  
 Pedibus saluti consulunt,  
 Fugaq; terga praeitant.

Horum minis qui concidit,  
 Hic iure, non iniuria,  
 Demortuus sonantibus  
 Bombis aselli conditur.

## NOTÆ.

PHILIPPO olim cum Græcis pugnaturo,  
 Diogenes in eius castra peruenit. Perdu-  
 ctus igitur ad Philippum, ac rogatus, num  
 speculator esset? Stultitiæ, inquit Diogenes,  
 vanitatisque tuæ verus sum speculator, qui cogente  
 nullo, de vita & de regno, velut ad casum aleæ, peri-  
 clitaturus venis. Utinam hodie audirent Dio-  
 genem, ita loquentem, terrarum principes,  
 qui sæpenumero, nulla urgente necessitate,  
 pro-



propriis stimulatī affectibus bella cruentissima & plusquam ciuilia suscipiunt, in magnam suorum perniciem. Exclamem merito cum Horatio lib. Epod. Od. 7. per parodiam :

*Quo quo furentes ruitis? aut cur dexteris  
Aptantur enses conditi?*

*Parumne campis atq; Neptuno datum  
Est Christiani sanguinis?*

*Neq; hic lupis mos, neq; fuit leonibus  
Vnquam, nisi in dispar feris.*

*Furor ne cæcus, an rapit vis acrior?  
An culpa? Responsum date.*

*Tacent, & ora pallor albus inficit,  
Mentesq; perculsa stupent.*

Et cum Virgilio, lib. 1. Georgicorum:

*Quippe ubi fas versum atq; nefas: tot bella per orbem,*

*Tam multa scelerum facies: non ullus aratro  
Dignus honos, squalent abductis arua colonis:*

*Et curua rigidum falces constantur in enses.*

*Hinc mouet Euphrates, illinc Germania bellum:*

*Vicina ruptis inter se legibus vrbes*

*Arma ferunt: seuit toto Mars impius orbe:*

*Vt cum carceribus sese effudere quadrigæ,*

*Addunt se in spacia: & frustra retinacula tendens*

*Fertur equis auriga, neq; audit currus habenas.*

Belligeramur assidue, inquit Erasmus 4. Apoph.  
cent. 1. gens cum gente colliditur, regnum cum re-  
gno, ciuitas cum ciuitate, princeps cum principe, po-  
pulus



pulus cum populo, & quod Ethnici quôque fatentur  
 impium, affinis cum affini, cognatus cum cognato,  
 frater cum fratre, filius cum patre: denique, quod e-  
 go sane puto his omnibus atrocius, Christianus cum  
 Christiano. Et ô cecitatem mentis humana! hæc nemo  
 miratur, nemo deestatur. Sunt qui applaudant, qui  
 vehant laudibus, qui rem plusquam Tartaream san-  
 ctam appellant, ac principes vltro furentes instigant,  
 oleum, quod aiunt, camino addentes.

Et ibidem: locus & ludus sunt in militia, do-  
 mos diripere, fana spoliare, virgines rapere, solidas vr-  
 bes atq; oppida incendere: Magna propterea demen-  
 tia corrumpere, quod retinere non valeas. Hæc scilicet  
 sunt belli decora, profuisse nemini, nocuisse quam plu-  
 rimis, nullo respectu aut recordatione presidentis  
 mundo Dei. Vt tribus, quod aiunt, verbis to-  
 tum dicam,

#### NULLA SALVS BELLO.

Vt maiorem etiam belli nauseam tibi  
 creem, Cornelii Agrippæ de hoc iudicium  
 apponere libet, quod tale est in inuestiua de  
 incertitudine & vanitate scientiarum: Hic  
 maximus militum labor est, obsidere ciuitates, iacere  
 tela fremere tormentis, admouere machinas, perfo-  
 dere muros, concutere turres, occupare mœnia. parare  
 incendia, diruere arces, spoliare templa, diripere vr-  
 bes, subuertere oppida, vastare agros, conculcare  
 leges, adulterari matronas, stuprare viduas, rapere  
 vir-



virgines, ciues alios vulnerare, alios incarcerare, alios  
 deportare, alios trucidare. Tota denique disciplina  
 hac, non nisi in hominum perniciē occupata, hunc  
 finem querit, vt famulos vrbium eueriores, strenuos-  
 que homicidas faciat, transformetque homines in ri-  
 tus ferarum moresque belluarum. Hinc bellum ni-  
 hil aliud est, quam commune multorum homicidium  
 ac latrocinium, nec aliud milites, quam stipendiarii,  
 & in reipublica exitium armati latrones, perfores,  
 raptorei, sicarii, fures, sacrilegi, gladiatores, stupra-  
 tores, lenones, scortatores, adulteri, productores, pecu-  
 latores, abigei, aleatores, blasphemii, venefici, parrici-  
 da, incendiarii, pradones, pirata, tyranni & eius-  
 modi. Quos omnes qui vno nomine velit exprimere,  
 dicat milites, hoc est, reuera barbaricas sceleratorum  
 hominum feces, quos mala mens, malus animus ad o-  
 mne facinus extimulat, quos penes dignitatis & li-  
 bertatis nomen habet licentiam delinquendi & la-  
 trocinandi, vndique querentes, vt noceant, ipsamque  
 innocentiam, veluti mortis quandam imaginem, o-  
 dientes, omnesque quasi vnum corpus sunt ex patre  
 & genitore Diabolo, cuius illi sunt membra,  
 de quo ait Iob: Corpus illius quasi scuta fusilia, &  
 compactum squamis se prementibus: vna vni con-  
 iungitur, & ne spiraculum quidem incedit per eas,  
 vna alteri coheret, tenentes se nequaquam separabun-  
 tur: assistunt sibi, qui conuenerunt in vnu aduersus Do-  
 minum & aduersus Christum eius. Insignia a. militie sunt  
 non purpura, torques, annuli, tiara: sed aduerso pectore  
 vulnera, & deformati cicatricib. corpora. Exercitium



non nisi cum plurimorum exitio, doloreq; coniu-  
ctum, morum, legum ac pietatis pernicies, cum Chri-  
sto, cum beatitudine, cum pace, cum charitate, cum  
innocentia, cum patientia ex diametro pugnās. Prae-  
mia eius sunt gloria nobilitatis, humani sanguinis ef-  
fusione parta, imperii propagatio libidine dominandi  
& possidendi, cum multarum animarum perpetua  
damnatione. Nam cum omnis belli finis sit victoria,  
nemo potest esse victor, nisi homicida: nemo contra vi-  
ctus, nisi male perierit. Mors igitur militum pessima  
malum epitaphium sibi inducente peccato. Qui au-  
tem occidunt, iniqui sunt, etiam si iustum sit bellum.  
Non enim propter hoc, sed quia lucri & praeda gratia  
militarunt, impii homicidae in eos, quos male occi-  
dunt. Si qui autem iuste ab illis perimuntur, ipsi qui  
occiderunt, in carnificum ordinem seipsos statuentes,  
nobilitatem hanc commeruerunt, cumq; leges aliqui  
in praedones, raptores & sicarios poenis seuant, tales  
nomine militiae habentur nobiles & honesti.

II.  
Moderna  
militia dis-  
ciplina qua-  
lis.

Modernae militiae imaginem genuinam,  
ex probatis historicis Liuius, Tacitus, & Cur-  
tius collectam, & nostro seculo accommoda-  
tam non ut conuitium, sed ut medicinam, en-  
tibi habe: Emunt duces militem, non legunt. Pec-  
uniola proponitur, tympanum strepit: & ecce coeunt  
aliquot ignoti inter se ignorantesque, purgamenta  
urbium suarum, quibus ob egestatem & maxima fla-  
gitia peccandi necessitudo est, assueti latrocinis, bello-  
rum insolentes, quorum lingua vana, manus rapacis-  
sima, gula immensa, pedes fugaces, qua honeste nomi-  
nari



ari non possunt, honestissima, nullam discipline formam, nec extrema quidem eius lineamenta seruantes, lasciuientes certatim, inter quos omnia indispota, temulenta, peruigiliis Veneris, ac Bacchanalibus potius, quam disciplina & castris propria. Hi nec in procinctu & castris habentur, sed per municipia defides, hospitibus tantum metuendi, effundunt se in luxum, epulas & nocturnos coetus: ibi circumferri merum largius iubent, debellaturi super mensa Alexandrum: suas vires extollere docti, hostium paucitatem contemnere: ceterum galeati lepores, & quibus ut ad populandos finitimorum agros, tecta que vrenda, & capienda pecora, aliqua vis sit, ita in acie & signis collatis nulla vis est, nec in victoria eis decus, nec in fuga flagitium. Vt omnia paucis: Exercitus lingua, quam manu, promptior, predator è sociis, & ipse hostium prada.

Aurelianus olim, cum à vicario suo literas accepisset, quibus efflagitabat, quomodo res inter exercitus gerenda esset, statim rescripsit hunc in modum: Si vis tribunus esse, imo si vis viuere, manus militum contine. Nemo pullum alienum rapiat, ouem nemo contingat, vnam nullus auferat. Sic Vopiscus in Aurelio.

At, bone Deus, quid nostro hoc seculo prius aut potius queramur? Proh quanta flagitia, quanta scelera in bellis non perpetrantur? Vt (quod Ludouicus Viues in epist. ad Henric. VIII. Angliæ regem scribit) hoc demum videatur esse, vere ac germane militare, nihil



arbitrari æqui ac boni propter se esse sancitum, nullo se iuri esse subditum, se in vagina leges omnes cum ferro gestare: quicquid conscelerato animo collibuerit, id solum esse ius & æquum. Adeo milites nostri, siue quo eant, siue redeant, furantur, rapiunt, constuprant, pulsan, abigunt pecora, pertusis vasis sinunt effluere vinum. Quid multis? Crudelius tractant suos, quam hostes. Et hoc hodie, si superis placet, appellatur ius militare, & ad hæc conniuent principes. Lucanus lib. 10. bell. ciuil. multa paucis comprehendit:

Nulla fides pietasq; viris, qui castra sequuntur:

Venalesq; manus: ibi fas, vbi maxima merces,  
Sed cheu!

---- quis talia fando

Temperet à lacrymis?

I. Aeneid.

III.  
Vera militia  
encomium,  
& veri mi-  
litis requisi-  
ta.

Verum hæc haud ideo dicta sunt, quasi omnem omnino militiam iniquam esse contendere ausim. Militare enim, inquit Augustin. de verbis Domin. nō est delictum, sed propter prædam militare, peccatum est. Imo, quod Cicero testatur pro Muræna. Rei militaris virtus præstat ceteris virtutibus: omnia nostra studia, & hac forensis laus & industria latent in tutela ac præsidio bellicæ virtutis: & simul atq; increbuit suspicio tumultus, artes illico nostræ conticescunt. Omnia denique, quæ sunt in imperio, in statu ciuitatis, ab iis defendi & fir-



*firmari putantur, qui militari virtute antecel-  
lant.*

Et in eadem Oratione: Multo plus adfert di-  
gnitatis res militaris, quam iuris ciuili gloria. Vi-  
giles tu de nocte, vt tuis consultoribus respondeas: ille  
vero, quo intendit, mature cum exercitu perueniat.  
Te gallorum, illum buccinarum cantus exuscitat.  
Tu actionem instituis, ille aciem: Tu caues, ne tui con-  
sultores, ille, ne vrbes aut castra capiantur. Ille tener  
& scit, vt hostium copia tu, vt aquae pluuiae arcean-  
tur. Ille exercitatus est in propagandis finibus, tu in  
regendis.

Veri militis requisita paucis coarctat Ve- IV.  
get. lib. 7. de re militari: Iuuentus, inquit, cui *Veri militis*  
defensio prouinciarum, & bellorum fortuna commit- requisita.  
tenda est, & genere, si copia suppetat, & moribus de-  
bet excellere. Honestas enim idoneum militem red-  
dit: verecundia, dum prohibet fugere, victorem. In-  
utiles autem omnino sunt gloriosi illi Thra-  
siones, qui lingua quidem & minis vno ictu  
sexcentos profligare sese posse iactant, qui-  
bus autem vbi ad pugnam & pugnas deuen-  
tum est, secundum Homericum illud,

----- παρὰ ποσὶ καὶ περὶ θυμῶς,

*in pedes mens decedit imos.*

Erasmus hos pisciculis similes esse ait, qui vo-  
cantur gladioli: quippe qui gladium quidem  
haberent, cor autem non haberent. Paucis  
Virgil. lib. 4. Aeneid.



*Degeneres animos timor arguit.*

Cæterum de requisitis veri militis differentem vide I. Lipsum, Politicor. lib. 5. cap. 7. 8. 9. & Althusium Polit. cap. 34.

## O D A VI.

*In adultores Chamaleontæos.*

## N V C L E V S.

*Adulator cum laudat, pungit.*

**Q***ui mel ferunt in oribus,  
Sed fel gerunt in cordibus.*

*Hi sunt in orbe plurimi.*

*Quocunque ocellos misit æ,*

*Sedem sibi firmissimam*

*Defixit hac astutia.*

*In Curiis, Ecclesiis,*

*Scholis, & aulis Principum,*

*Inter viros celsissimos,*

*Ciues, & inter rusticos.*

*Paucis; ubiq; gentium*

*Viri morantur duplices.*

*Aquas humentes porrigunt,*

*In corde flammæ apparant,*

*Quod ore poscunt, pectore*

*Quam maxime fastidiunt.*

*Hic*



Hic barbam nectit stramineam.



Hoc orbis est nunc proprium.

Verbis medelam suggerit,

Factis venenum porrigit.

Hoc dicit, illud cogitat,

In ore: Te iuuet Deus:

In corde: Tollat Cerberus.

C 5 Si



*Si forsan obuiaueris,  
Heus, Frater, inquit optime:  
Cum paulo post recesseris,  
Calumniatur pessime.*

*Hic scilicet contortili  
Barbam plicare stramine  
Fumosq<sub>3</sub> nouit vendere,  
Et crocodili lacrymas  
Oculis dolosis fundere.*

*Hæc scilicet, nasutuli  
Quod dictitant homunculi,  
Ciuiilis est prudentia,  
Et laude digna maxima,  
Tacere, quæ quis cogitat,  
Et cogitare, quæ tacet.  
Picem vocare candidam,  
Niuemq<sub>3</sub> nigram dicere!*

*Si digna quiuis præmia  
Factis meretur propriis,  
Vos milleformes Prothei,  
Cum sitis ore duplices,  
Os promeretis vndiq<sub>3</sub>  
Grandi refertum stercore.*

## NOTÆ.

*Viri duplices quinam.*

**T**urpe est, inquit Seneca in epist. ad Lucil.  
aliud loqui, & aliud sentire. Homerus vehementius in huiusmodi nebulones, duplici præditos pectore, inuehitur in Iliad.

*Ἐχδρὸς γὰρ μοι κείνῳ ὁμῶς αἰδῶο πυχῆσιν,*

*Ὅς ἂν ἕτερον μὲν λέγει ἐνὶ φρεσὶν, ἄλλο δὲ βάζει.*

Hoc



Hoc est:

*Exosus enim ille mihi, velut inferorum porta,  
Qui aliud quidem occultum habet in mentibus,  
aliud vero ore profert.*

Sic Plautus in *Afinaria*:

*Pro monstro est, quando, qui sudat, tremat.*

Nostro certe nunc hoc seculo tam late  
serpsit contagio hæc, ut tota hominum fer-  
me omnium vniuersitas malo hoc, ceu lue  
quadam pestilentissima, infecta merito dici  
possit. Ita nunc omnis candor, fidesque om-  
nis exulat. Vix millesimum ex hominum pe-  
ctore prouenit verbulum. Omnia ficta, o-  
mnia sub caritatis specie fucata, vereque  
*γλυκόπιπρα* sunt, hoc est, dulcia-amara. Dulcia  
quidem externa simulatione: amara autem  
& venenosa interno recessu.

Bellum in hunc sensum est epigramma,  
quod addo:

*Nō aliud genus est hominum tam vulnere dirum,*

*Non telis Scythicum letiferis celebre:*

*Os pingui, quam quod butyro mollius effert,*

*Verbaq; depromit lenius ipso oleo:*

*Intus sed toto meditat'ur vulnera corde,*

*Qua iaculis Scythicis asperiora facit.*

At locus dandus erat Phocylidis monito:

*μήδ' ἕτερον κεύδης κραδίη νόον, ἀλλ' ἀγρεύων.*

*Noli aliam occultare in corde sententiam,*

*& aliam proferre.*

ODA



## O D A VII.

*In proditores ac delatores.*

## N V C L E V S.


*Nil proditore turpius.*

**S**ic est: Iudas proditor  
 Scelus patrauit pessimum,  
 Quod innocentem perdidit,  
 Cruciq<sub>3</sub> Christum tradidit,  
 At ille nummos interim,  
 Sui furoris premium  
 A Phariseis rettulit.  
 At proditores millies  
 Nunc nequiores rescias,  
 Qui non verentur, candidos  
 Plane, virosq<sub>3</sub> innoxios  
 Gratis macello dedere,  
 Suiq<sub>3</sub> nullum criminis  
 Efflagitare premium.  
 Istud profecto dixerim,  
 Iudas adhuc si viueret,  
 Tantamq<sub>3</sub> furum cerneret  
 Rediuiuus impudentiam,  
 Locum tueri proditor  
 Vix, credo, posset infimum.  
 At hi magistri fraudium,

Hi



Hic macello innocentem offert.



Hi proditores, lanii,  
Hostesq<sub>3</sub> sanguinarii,  
Tam sunt in arte callidi  
Ut subdolas fallacias  
Omnes ad vnguem nouerint:  
Licetq<sub>3</sub> sint nequissimi,

Tamen



Tamen antecellunt omnibus,  
 Primasq<sub>3</sub> semper occupant,  
 Et lautiores regibus  
 Plerumq<sub>3</sub> vitam ducunt.

Iudas, abominabili  
 Tandem piaculo cognito,  
 Tanto metu prosternitur,  
 Exosus ut sibi ipsemet,  
 Ductusq<sub>3</sub> pœnitundine  
 Animam scelestis faucibus  
 Suspendio praeluserit.

At hi cachinnos excitant,  
 Cum quem macello destinant,  
 Nihilq<sub>3</sub> de suspendio  
 Parumue sudant anxii.

Sed cum suprema iudicis  
 Olim die nouissimo  
 Feretur (oh) sententia,  
 Tunc laniorum turbula  
 Orci macella perpetim  
 Subibit infernalìa,  
 Suæq<sub>3</sub> sumet congrua  
 Crudelitatis premia.

## NOTÆ.

Proditionis  
 vitium de-  
 testabile.

DE Iuda Hieronymus in Epist. ad Rust.  
 Iudas, ait, de Apostolatus fastigio in proditionis  
 Tartarum labitur, nec familiaritate communi, nec  
 intinctione buccella, nec obsequii gratia frangitur,  
 ne



ne hominem tradat, quem filium Dei nouerat. Et Ambrosius in Math. cap. 26. Instrumento pacis mortem irrogat: seruus dominum, discipulus magistrum sic prodit; quasi, inquit, per instrumentum pacis perimis ipsam pacem, de osculo machinaris ipsam prodicionem.

Prægrande hoc vitium Franciscus Petrar-cha etiam perstringit Dialog. 80. quem integrum vide. Non procul à fine hæc, quæ sequuntur, extât: Nil scelestius proditore. Nil turpius sol videt, cuius obscœnitas tanta est, vt & qui artificio eius egent, execrentur artificem, & qui ceterorum scelerum famam querunt huius infamiam reformident.

Tanto scilicet odio semper prodicionis vitium laborauit, vt nemo non omnibus illam diris execrationibusq; deuoueric. Exemplo nobis sunt ex priscorum Romanorum documentis Camillus & Fabricius, quorum alter Faliscorum, quos octennali obsidione iam successu irritò presserat; pueros à magistro per deambulationis speciem eductos, sibi-que, tanquã certam victoriæ spem, traditos accipere noluit, turpẽ hunc proditorẽ auersatus, vincitũ nudatumq; terga, adolescentulis verberibus in urbem agendum tradidit; teste Liuius lib. 5. Alter autem commodatidem prodicionis oblata occasione, proditorem omnino respuit atque detestatus fuit;



fuit: Hic, inquit, est ille Fabricius, qui difficilius  
ab honestate, quam sol à cursu suo, auerti possit. Sex-  
centa proditiōis exempla qui cognoscere  
auet, adeat Theatrum Philosophicum Ra-  
uiffi Textoris pag. 575. & seqq. vbi voto ipsius  
abunde satisfier.

## O D A IIX.

*In pollicitatores grandiloquos.*

## N V C L E V S.

Pollicitis diues quilibet esse potest.

**S**ic orbis vsus obtinet,  
Stylusque nostra curia:  
Spondere montes aureos,  
Et pauculos arenula  
Puluisculos exoluere:  
Grandes equos promittere:  
Pullumque aselli reddere:  
Magnum vouere cereum,  
Qui quantitate populum  
Malumue vincat nauticum,  
Deinde vix minutulam  
Offerre sebi tedulam.  
Sic omnis (heu!) euauit  
Candor, fides, integritas.

Hone-



ODA VIII.  
Hic in taleam loquitur.

49



Honestitudo, veritas,  
Æqui bonique gratia.  
Sic fallit hospes hospitem,  
Et venditorem venditor:  
Sic servus herum decipit,  
Herusque ludit servulum.

D

Nil



*Nil veritati consonum  
Totum per orbem visitur.  
Fidesq; cuncta nullibi:  
Sed cuncta vel crassissimis  
Referta sunt mendaciis;  
Vel hercle callidissimis  
Connexa sunt fallaciis.*

*Sic GARRIVNT IN TALEAM,  
Qui verbulis ditissimi,  
Factisq; sunt pauperrimi:  
Quibus visitatum est dicere:  
Est polliceri nobilis,  
Servare pacta rustici.*

## NOTÆ.

I.  
*Montes au-  
reos promit-  
tere.*

**C**VM Leosthenes ciuitatem Atheniensem,  
ad bellum impulisset, magnificis spebus  
ad nomen libertatis ac principatus erectam:  
Phocion illius verba dicebat esse cupressis  
similia, quæ sublimes cum sint ac pulcræ, fru-  
ctum non habent. Nihil profecto dici po-  
tuit accommodatius in sermonem splendide  
magnificeq; pollicentem, sed infrugiferum:  
quemadmodum cupressus arbor sublimi  
compositoque in conum vertice, procul e-  
gregium quiddam polliceri videtur, cum vix  
tamen vlla sit sterilior. Hinc in prouerbum  
abiire CHARETIS POLLICITATIONES,  
*οὐ χαίρητος ὑποσχέσεις*, de illis dici solitæ, qui Cha-  
re tem



O D A VIII.

51

retem Athenienfem æmulati, multa facile ac  
benigne promittunt, iuxta illud Nafonis, 1.  
Art.

*Promittas facito: quid enim promittere ladit?  
Pollicitis diues quilibet esse potest.*

De istiusmodi pollicitatoribus Terentius  
etiam in Andria act. 4. scen. 1.

*In denegando modo queis pudor paululum adest:  
Post ubi tempus promissa iam perfici,  
Tum coacti necessario se aperiunt,  
Et timent, & tamen res premit denegare.  
Ibi tum eorum impudentissima oratio est:  
Quis es tu? quis mihi es? cur mea tibi?  
Hew, proximus sum egomet mihi: attamen ubi fi-  
des?*

*Si roges, nihil pudet. hic, ubi opus est,  
Non verentur: illic, ubi nihil opus est, ibi veren-  
tur,*

Notare autem debebant isti homines il- II.  
lud Pythagoræ, qui, Age, inquebat, res præcla- Promissis  
ras, nihil magnifici interim promittens, ( Teste Standum.  
Stobæo ferm. de virtute ) æmulati hac in par-  
te morum arborem, quæ dicitur prouerbiali-  
ter sapientissima arborum. Nam vltima flo-  
res producit, prima vero vel imprimis fru-  
ctus: Ita non est diu antea ostentandum,  
quid possimus, vel velimus: tarde po-  
tius est promittendum, & mature tunc  
præstandum. Et elegans de hac materia  
D 2 dictum



dictum est Stobæi lib. de moribus: Priusquam  
promittas, delibera: & cum promiseris, facies: prius  
si negaueris, fecisse postea fallere est. Id ergo agas, ut  
ne quis merito tuo te oderit.

Coronidis loco epigramma Iacobi Billii,  
quod in Anthologia eius extat, de Dei ac  
mundi pollicitationibus, annecto:

*Vt mundus, sic sunt mundi promissa, quod ipse  
Promittit, fictum est, fictus ut ipse quoque est.  
Ut Deus est, sic sunt bona, quæ promittit, & offert:  
Certus ut est, certas sic dare nouit opes.  
Quam nos laui igitur! Certo non fidimus: illi  
Fidimus at contra, quem dare verba iuuat.  
Sic sumus huic similes, quem spe deludit inani  
Perdix, dum pullis consulit ipsa suis.*

## O D A IX.

*In Scholasticos plumigeros vanaque eruditionis  
opinionem inflatos.*

## N V C L I V S.

*Non pluma, non vestis, sed ars studio-  
sum facit.*

**F**Ex nunc iners scholastica  
Prodire tandem in publicum,  
Suisque dignum fraudibus

Locum



O D A IX.

53

Hic artes simul omnes cum sac-  
culo deuorat.



Locum subire queritat.  
Sic ordo namq<sub>3</sub> postulat.  
Non, ora centum si forent,  
Linguae<sub>3</sub> multo plurima,  
Sat hercle possem commode  
Scholasticorum subdolas

D 3

Fal-



Fallacias exponere;  
 Non, Argus etsi viueret,  
 Posset suis ocellulis  
 Videre, vel perquirere  
 Astutias scholarium.  
 Veruntamen conabimur  
 Prestare, quantum possumus.

Vix regulam syntaxeos  
 Primam cerebro condidit:  
 Vix ora pugnis rubida,  
 Nudumq<sub>3</sub> virga podicem  
 Subduxit, ecce, grandibus  
 Tumidisq<sub>3</sub> feruens æstibus  
 Incedit, atq<sub>3</sub> virgei  
 Caligas doloris conscias  
 Abominatur pessime,  
 Natibusq<sub>3</sub> splendidissimas  
 Adaptat atq<sub>3</sub> amplissimas.  
 Latus deinde debile  
 Ensi coaptat maximo,  
 Quo sicut aequilibrio  
 Innititur, maiusculo  
 Ne forte raptus ventulo  
 In saxa dura concidat,  
 Capituq<sub>3</sub> multam sentiat.  
 Mox cristulas in pileo,  
 Mox cristulas in pectore  
 Fastu superbus erigit,  
 Cruriqu<sub>3</sub> subligaria  
 Hinc inde nectit pendula,  
 Quibus supernuacaneum

Vento



Vento creet negotium,  
Muscaq<sup>3</sup> punctiunculas  
A crure diras arceat.  
Rosas deinde calceis  
Subiniicit latissimas,  
Existimes vt vaccei  
Par esse grande stercoris.  
Demum his onustus naniis  
Lares relinquit patrios,  
Vitamq<sup>3</sup> cordialibus  
Academicam suspiriis  
Optat, capeßit, incipit.  
Quid multa? talem se gerit,  
Vt vel referre tadeat.  
Non literis, non artibus  
Operam nauat, sed bellus  
Noctes diesq<sup>3</sup> perbibit,  
Stertit, librosque murium  
Corrosioni subiicit.  
Tandem vacuus nummulis,  
Aegrotus in marsupio,  
Multo domum reuertitur,  
Quam quondam abhinc receßerat.  
Effectus imperitior,  
Hac veritati congrua  
Vel illud esse comprobet,  
Quod forte nuper contigit.  
Academiam subiuerat  
Fors rusticelli filius,  
Et plurimum pecunie



Pro more ibi consumerat.  
Tandem reuersus ad patrem,  
Vitaq<sub>3</sub> agrestis immemor  
Gestus agebat splendidos.

Sumtus parens non immemor,  
Quem filio suggererat,  
Examinare commodo  
Illum volebat tempore,  
Cum, stercore andis aruulis,  
Fimis onustum redderet  
Plaustrum, rogabat filium;  
Quali Latini nomine  
Illud solerent dicere,  
Quod tres haberet cuspides,  
Et quo finum sustolleret?  
Mox ille: MISTGABELIVM.  
Sed quomodo istud alterum,  
Stercus reuellens funditus,  
Geminog<sub>3</sub> dente præditum?  
Respondet ille: KARSTIVM.

O impudentem SCHELMIVM!  
Parens subinfert illico,  
Vix me, sceleste, contines,  
Quin huncce MISTGABELIVM,  
Grandemq<sub>3</sub> sumam KARSTIVM,  
Tuumq<sub>3</sub> nequam SCHWARTIVM,  
Crassumq<sub>3</sub> SCHELMIRVCKIVM  
Modis acerbis dedolem.

Vix eloqui desiuerat,  
Natum finero destinat,

Et,



Et, quem putarat Musicum,  
Nunc mandat esse rusticum.

## N O T Æ.

**P**Lerique in eo Philosophi, &, quicunque  
illis accensentur, viri eruditi consentiunt, *Artium & scientiarum præstantia.*  
scientias atque artes, homini nonnihil digni-  
tatis adferre, ita ut sæpenumero ultra huma-  
nitatis limites in Deorum beatorum choros  
eum referre possint. Hinc infinita illa & in-  
numera scientiarum præconia, quibus quisq;  
eas artes atq; disciplinas, in quibus iam diu-  
turno usu animi sui vires exercuit atque ex-  
cuit, non minus exulto, quam prolixo ser-  
mone omnibus aliis conatur anteferre & vel  
supra ipsos cælos attollere. Num recte ita  
sentiant, nolo ego, viribus quippe impar, iu-  
dicare. Negat profectò Cornelius Agrippa, *Error Corn. Agrippa.*  
& strenuè quidem negat. Nam (ait) prout  
artes & scientiæ illæ in alium atque alium in-  
cidunt, alios etiam atque alios effectus pro-  
ducunt. Si in malum quempiam inciderint,  
mirum nisi magis noxiæ fuerint, illumque ex  
malo multo reddiderint deteriorem; ut per-  
uersum Grammaticum, vaniloquum Poëtā,  
mendacem historicum, rhetorem palponē,  
dialecticum litigiosum, sophistam fallacem,  
lasciuum Musicum, astronomum superstitio-  
sum, physicum absurdum, portentosum Me-  
D & taphy-



raphysicum, ethicum morosum, iniquum Politicum, Iuridicum flexiloquum, Medicum ineptientem, Theologum *ερεπόδου* & contentiosum. Quid multis? A primis statim initiis, cum pueris infundi atque instillari cœperint, mores eorundem plerumque mutant in deterius, & cum nequam prius fuerint, multo deinde euadunt nequiores. Quod si etiam in non tam malum, sed stultum aliquem incidant, nihil illo insolentius ac inopportunū magis: nam præter id, quod illi de cognata stultitia superest, tuetur illum doctrinæ autoritas, habetque literarum instrumenta, quibus suam defendat amentiam, quibus cæteri stulti carentes mitius insaniunt, quemadmodum de Rhetore ait Plato: *Nam quo erit (inquit) ineptior atque indoctior, hoc plura narrabit, imitabitur omnia, nihilque indignum se putabit.* Nihil igitur exitiusius, quam cum ratione insanire, merito videri potest; atque adeo artes omnes atque scientiæ, cum deteriores plerunque sectatores suos faciant, exterminari atque eliminari debent.

III. Errat autem Agrippa grandem errorem, *Eius confusio.* & ignorat crassa ignorantia. Quis enim vinum ob temulentiam meam culpet? Quis aurum propter furem? Quis enssem propter latronem? Non terra vinum eam ob



Ob causam producit, ut isto ad vomitum  
usque me ingurgitem. Non aurum ideo  
in usu est humano, ut fures faciat. Non  
ensis ideo efficitur, ut latronibus adiuven-  
to sit. Sic nec artes ideo perdiscuntur, ut  
nequitia eo maiori & acutiori solertia pos-  
sit exerceri, sed imo, ut iis mediantibus o-  
mnibus ista è locis possit expelli atque ar-  
ceri.

Quod iuvenes studiis dediti aliis plerum-  
que sint petulantiores ac peiores, quis adeo  
amens, ut artibus illud adsignet? Nimi-  
rum

I V.

*Mores iuue-  
num studio-  
rum quæ-  
les.*

*Imberbis iuuenis tandem custode remoto  
Gaudet equis, canibusque & aprici gramine  
campi:*

*Cereus in vitium flecti, monitoribus a-  
spicit.*

Hi igitur defectus artium atque scientia-  
rum adminiculo sunt corrigendi, quando-  
quidem, Poeta teste,

*----- didicisse fideliter artes  
Emollit mores, nec finit esse feros.*

Et, Seneca suffragante,

*Quo quisq; doctior, eo est humanior.*

Versa autem vice,

*Quo quisq; indoctior, eo est impudentior.*

Cæte-



Cæterum de moribus modernorum quorundam Scholarium vſitatis qui notitiam parare ſibi vult, ſubeat Amphitheatrum Iocoſerium Caſparis DornauI, in diſputatione de Natura Pennalium, vbi materiam ridendi largiſſimam inueniet.

V.

*Superbia  
cum primis  
ſtudioſo vitanda.*

Vitanda verò cum primis eſt iuuentutis, literis & artibus deditæ, ſuperbia, de qua Franciſcus Petrarcha dialog. 41. de diſcipulo indocili ac ſuperbo, veriſſime aſſerit: *Superbia hoſtis ingenii eſt, dumq; ſub eſſe dedignatur, & diſcere negligit diſcipulus, inſolens agre manum ferula ſubiiciet, doctrina animum, reprehentionibus aurem, collum iugo. Nimirum ſicut tumor oculorum viſui, ita tumor animi ingenio nocet: vt diſciplinis aditus fiat, comprimenda eſt omnis elatio. Qua de re eleganter etiam Ouid. 1. Art.*

*Phillyrides puerum ciſhara præfecit Achillem,*

*Atq; animos molli contudit arte feros.*

*Qui toties ſocios, toties exterruit hoſtes,*

*Creditur annosum pertimuiſſe ſenem.*

*Quas Hector ſenſurus erat, poſcente magiſtro*

*Verberibus iuſſas præbuit ille manus.*

Auſonii etiam conſilium locum reperiatur, quod Eidyll. 5. ſuppeditatur:

*Diſce lubens, tetrici nec præceptoris habenas*

*Detestare nepos, nunquam horrida forma magiſtri,*

*Ille licet triſtis ſenio, nec voce ſerenus*

*Aſpera contracta minitetur iurgia frontis,*

*Nun-*



Nunquam immanis erit, placita assuetudine vultus

Qui semel imbuerit, rugas nutritiis amabit,  
 Qui refugit matrem, pappos, auiasq; trementes  
 Anteferunt patribus seri noua cura nepotes,  
 Sic neque Peliden terrebat Achillea Chiron  
 Thessalico permixtus equo, nec pinifer Atlas  
 Amphitryoniaden puerum, sed blandus vterq;  
 Miribus alloquiis teneros mulcebat alumnos.  
 Tu quoq; ne metuas, quāuis schola verberare multo  
 Increpet, & truculenta senex gerat ora magister.  
 Degeneres animos timor arguit: at tibi consta  
 Intrepidus, nec te clamor, plagæq; sonantes,  
 Nec matutinis agitet formido sub horis,  
 Quod sceptrū vibrat ferula, quod multa supellex  
 Virgea, quod mollis scuticam prætexit aluta,  
 Quod feruent trepido subsellia vestra tumultu.  
 Pompa loci, & vani fugiatur scena tumoris.

De scholarum vtilitatibus atque commodis, quin & amplissimæ & præstantissimæ Scholarum  
 sint, neminem puro esse qui dubitet, cum ad vtilitas maxima.  
 veram religionem conseruandam, & ad posterios propagandam, mores & vitam hominum probe informandam, & artium liberalium cognitionem comparandam maxime omnium inseruiant. Certe qui scholas è mundo exterminandas statuit, idem facit ac si solem cælo deturbari iubeat. Vide de hac re Ioannem Althusium Politic. cap. 9. them. 38. 39. 40. Bartholomæum Keckermannum in



in Systemate Politic. Casmannum in vitâ Po-  
litica, & Matth. Stephanum lib. vlt. de iuris-  
dictione.

## O D A X.

*In adultores ac delatores.*

## N V C L E V S.

Adulator niger est: hunc tu cauetò:

**Q**ui vela venti turgida  
Quocunque nouit tempore

Accommodare flatibus,

Et ex eodem frigidum

Calidumq; flare gutture,

Et ille ad hoc collegium

Nequissimorum pertinet.

Hunc si quis in consortium

Suum receper, illico

Illius appetitibus

Inseruit atque nutibus,

Et sub figura pharmaci

Lethale mulsam suggerit.

Rides; cachinnos excitat.

Ploras; gemit susp.riis.

Sudas; calore diffluit.

Friges; rigescit frigore.

Dormi-



O D A X.

63

Hic victum amictumque assentando  
quæritat.



Dormire vix iam somniat.  
Furis; tumultus excitat.  
Iraſceris; toruum videt.  
Sermocinari; cæteris  
Altum imperat ſilentium.  
Letaris; inſtat plauſibus.

Quod



Quod si tuis inhaerit  
 In palliis puluisculus,  
 Pilusue, vel quid sordidum,  
 Manu reuellit, subdola  
 Barbamq; dextra vellicat.  
 Omnes colores suscipit,  
 Solius albi nescius  
 Coloris, atq; rubidi:  
 Semperq; ceu mutabilis  
 Reciprocatur Chamaleon.

Si quid pusilli criminis  
 Commilito patrauerit,  
 Mox heri ad aures portitat,  
 Et, quam potest, conuitis  
 Exaggerat grauissimis,  
 Cum millies scelestior,  
 Furcaq; multo dignior,  
 Meritus sit ipse literam  
 Referre longiusculam.

Heus, qui sapis, Gnathonibus  
 Et aurium mulctoribus  
 Inuisus istis abstine,  
 Proculq; abactos vltimis  
 Iube exulare finibus.

## NOTÆ.

I.  
 Assentato-  
 rum mores  
 quales sint:

Sic mores ferunt assentatoris.  
 ----- Rides? maiore cachinno  
 Concutitur: flet, si lacrymas conspexit amici,

Nec



*Nec dolet : igniculum bruma si tempore poscas,  
Accipit Endromidem : si dixeris, estuo, fadat.*

[Iuuenalis Sat. 3.]

*Quid, quod adulandi gens prudentissima laudat  
Sermonem indocti, faciem deformis amici,  
Et longum inualidi collum cervicibus aequat  
Herculis, Antzum procul à tellure tenentis.  
Miratur vocem angustam, qua deterius nec  
Ille sonat, quo mordetur gallina marito.*

[Idem ibidem.]

Simile est Martialis Epigramma lib. 12. in  
Pontilianum:

*Mentiris, credo: recitas mala carmina, laudo:*

*Cantas, canto: bibis Pontiliane bibo.*

*Pedis, dissimulo; gemma vis ludere, vincor:*

*Res vna est, sine me quam facis, & taceo,*

*Nil tamen omnino prestat mihi mortuus, inquit:*

*Accipiam bene te: nil volo, sed morere.*

Terentius in Eunuchus suo sic suas ipsius  
laudes decantantem inducit Gnathonem:

*Omnia habeo, nec quicquam habeo: nihil cum est,  
nihil deficit tamen,*

*Est genus hominum, qui esse primos se omnium re-  
rum volunt,*

*Nec sunt: hos sector: hisce ego non paro me, ut ir-  
rideant:*

*Sed his vltro arrideo, & eorum ingenia admiror  
simul.*

*Quicquid dicunt, laudo: id rursum si negant,  
laudo id quoque:*

E

Ne-



Negat quis, nego: ait, aio: postremo imperavi ego-  
met mihi

Omnia assentari. Is quæstus nunc est multo vberri-  
mus.

Exemplum istiusmodi assentatoris exhi-  
bet fabula illa, quam Ioachimus Camerar.  
lib. fabul. p. 98. recenset.

Ægrotus enim quidam à medico suo interrogatus,  
quo pacto præteritam noctem peregisset? respondit, se  
admodum sudasse. Hoc, inquit Medicus, bonum est.  
Postridie reuersus, & similiter percontatus agrotan-  
tem audiuit, horrore fuisse ipsum vehementi concus-  
sum; Et hoc ipsum, Medicus inquit, bonum est. Tertio  
sciscitatus, quomodo haberet, cognouit, intercutem  
effusam affligere hominem. Sed & hoc bonum esse  
dixit. Digresso Medico, accessit ex amicis vnus agro-  
tum, & quid sit, inquit, & quo in loco sunt res tue?  
Optimo, inquit ægrotus. Nam multitudine bonorum  
jere extinguor.

Epimydion fabulæ huius ab Hieronymo  
accipe, qui in epist. ad Rusticum; Ne credas, in-  
quit, laudatoribus tuis, imo irrisoribus aurem ne li-  
benter accommodes, qui, cum te adulationibus foue-  
rint, & cum te impotem mentis effecerint, si subito re-  
spexeris deprehendes post te colla incuruari, aut ma-  
nu auriculas agitari asini, aut æstuantem ca-  
nis protendi linguam.

ODA



## ODA XI.

In Sacrificulos, monachos, monialesq̃.

## NVCLEVS.

Preces sub lingua natæ irritæ.

**S**I non aberro, pectoris  
Nec deuiat sententia,  
Monachos rudes, & cœlibes  
Contenderem potissimum  
Huc pertinere virgines;  
Et quos ob imperitiam  
Misellulos fraterculos  
Vocamus ignorantia,  
Qui propter assuetudinem,  
Longo frequentem tempore,  
Aedes sacratas visitant,  
Vt repleant sedilia,  
Vel musitantes inuicem  
Lingua Latinae vocolas  
Inane murmur proferant,  
Quod nec rudis plebecula  
Phalanx, nec ipsi intelligunt.

Preces ab ore sapius  
Effutiunt: at interim  
Aut in popinis pectore



Hic sermonem è caua profert  
olla.



*Versantur, aut in balneis,  
Vel, quid rogarini, nesciunt:  
Et scire, quaso, quomodo  
Vel mente possent assequi,  
Cum nullus horum spiritum  
Linguam Latinam nouerit.*

At



At qualis efficacia  
 Potest precum esse talium,  
 Quas ore natas extimo  
 Fert corde lingua nescio?  
 Sic qui receptant nummulos,  
 Vbi nulla eorum copia:  
 Et qui capillos vellicant,  
 Vbi inuentur obfitum  
 Lata caput caluedine:  
 Quiq, aucupantur gaudium,  
 Vbi corda moeror occupat:  
 Qui se paratos offerunt  
 Prius, acrogantur: singuli  
 Hunc pertinent ad ordinem,  
 Qui concavis è vasibus  
 Et testulis inanibus  
 Nouere verba promere.

## NOTÆ.

**P**Lus, inquit Augustinus, placet Deo latratus  
 canum, mugitus boum, grunnius porcorum, Preces sub  
 quam canteas clericorum luxuriantium. Etenim <sup>lingua na-</sup>  
 (quæstio est Isidori lib. 3. de summ. bon. cap. 14.  
 8.) Quid prodest strepitus labiorum, vbi cor est mu-  
 tum? Sicut enim vox sine modulatione est quasi vox  
 porcorum, sic oratio sine deuotione, est quasi mugitus  
 boum. Talesque preces sub lingua natæ dicun-  
 tur, pectore illarum prorsus ignaro. Non se-  
 cus, ac si quis ex olla vacua sermones prome-  
 E 3 re au-



re aufit; quod Germani in prouerbio dicunt:  
*Auß einem hollen Hafen reden.* Quemadmo-  
 dum autem frumentorum granula, telluris  
 tantummodo superficiei iniecta, exarescunt,  
 nullumque fructum proferunt, nisi occando  
 sulcandoque subigantur soloq; condantur:  
 Ita preces sub lingua natæ, oreq; solo, in scio  
 corde, effutitæ, effectū carent, nisi ærumna-  
 rum miseriarumque mole depresso pectore  
 proficiscantur.

Non, inquit Chrysostom. super Matt. cap.  
 6. *voce clamosa pulsandus est Deus, sed conscientia  
 recta placandus; quia non est vocis, sed cordis auditor.*  
 Sic Isidorus, quem paulo ante allegavi, eo-  
 dem in loco: *Oratio cordis est, non labiorum: neq;  
 enim verba deprecantis Deus intendit, sed orantis cor  
 adspicit. Melius est, cum silentio orare corde sine sono  
 vocis, quam solis verbis sine intuitu mentis.*

II.  
*Precum de  
 votarum  
 requisita.*

Precum autem deuotarum quænam re-  
 quisita sint, breuissime docet Cassiodorus  
 super Psalm. 16. vbi ait: *Ipsius est oratio perfecta  
 cuius & causa clamat & lingua, & actus, & sermo,  
 & vita, & cogitatio. Multum scilicet (teste Beda,  
 de templo Salomonis) iuuat orationis purita-  
 tem, si in omni loco vel tempore nos ab actibus tem-  
 peremus illicitis: si semper ab otiosis sermocinatio-  
 nibus auditum pariter castigamus & linguam: quæ  
 cunque enim sapius agere, loqui vel audire solemus,  
 eadem necesse est sapius ad animum, quasi solitam  
 propriamque recurrant sedem: & sicut suæ volu-  
 tabra*



tabra siue palustria, columba limpida solent frequen-  
rare fluenta, ita cogitationes puram mentem im-  
munda perturbant, castam spirituales sanctificant.  
In eundem sensum est epigramma meum,  
quod addo:

*Sit persona tibi triplex bene nota roganti,*

*De uoto quoties fundis ab ore preces.*

*Prima sit haec, ad quam pia vota feruntur, & ille  
est,*

*Qui freta quæ terras, qui regit astra, Deus.*

*Altera mox, à qua pia vota feruntur, & ille est,*

*In Christum fidei robore nixus homo.*

*Tertia sit, per quam pia vota feruntur, & ille*

*Est intercessor Christus homo atq; Deus.*

*Audoenus, Martialis meus, vno disticho  
omnia comprehendit:*

*Sit purum pectus, domus oratoria, lector*

*Spiritus, & mundum cor, manuale precum.*

## O D A XII.

*In exaggeratores censorsq; immodicos  
delictorum.*

## N V C L E V S.

*Camarina non mouenda.*

**V***ix absolutum colligi  
Nequam potest consortium,*



Hic merdam cribrando mouet.



Si non huic acceſſerit  
 Conglutinatus ordini,  
 Qui ſcit laborioſius  
 Merdam mouere ſordidam,  
 Colare, cribro ſubdere,  
 Mox perforare, pungere,  
 Modiſq<sub>3</sub> mille vellere,

Atq<sub>3</sub>



Atq; his odorem motibus  
Creare foetidissimum.

Hic, quæ verustus tabida  
Vel ante centum secula  
Oblivioni tradidit,  
Et iam diu longissima  
Deleuerit præscriptio,  
Orco reducit infimo.

At posteaquam stercoris  
Factor per omnes iuerit  
Hinc angulos, & per uio  
Nares odore impleuerit,  
Tunc callidis argutiis  
Se litibus subducere  
Nouit, velut qui turbidam  
Non reddidisset guttulam,  
Et crebrius nil quam suam  
Allegat innocentiam:  
Cum nequiores vix tamen  
Reperire possis alterum,  
Ardente quamuis lampade  
Instructus esbes prauia,  
Denasq; per prouincias  
Inquireret amplissimas.

At, quaeso, quorsum conuenit  
Hæc stercoris commotio  
Merdaq; vellicatio?  
Cur prisca, nequam furcifer,  
Nobis reuoluis crimina,  
Cum tanta sit recentium



*Transgressionum copia?*

*Si sunt in orbe singula*

*Hoc iudicanda crimina,*

*Hoc punienda crimina,*

*Quorsum tribunal vltimum*

*Summiq<sup>3</sup> laudum iudicis,*

*Quo proferentur omnia,*

*Quae longa quondam obliuio*

*Occulta sepeliuerat?*

# NOTÆ.

I.  
*Camarinā  
mouere  
quid sit.*

**T**Alem Camarinam mouent, qui diu obliuione extincta denuo in apricum proferunt, mirisque artibus exaggerant, nullam aliam ob causam, quam vt nouas tragœdias, nouosque tumultus excitent. Si quos forte inimicos in gratiam redire vident, mox paleas, pilos, sulphur igni, qui extinctus iam videbatur, adhibent, calumniæque flabro tantas de nouo flammæ causantur, quibus sedandis nec Oceanus sufficeret,

De his Plautus in Stichos;

*Sed curiosi hic sunt quamplures mali,*

*Alienas res qui curant studio maximo:*

*Quibus ipsis nulla est res, quam procurent,  
sua.*

Terentius in Heautont. hanc peruersitatem secum admirans, alia voce exclamat:

*Di*



Dū vestram fidem: itane comparatam esse homi-  
num naturam omnium,  
Aliena melius ut videant, & iudicent, quam  
sua.

Horat. 1. Serm. 3.

— Egomet mī ignosco, Maius inquit,  
Stultus & improbus hic amor est, dignuq; notari,  
Cum tua peruideas oculis mala lippus inunctis,  
Cur in amicorum vitiis tam cernis acutum,  
Quam aut aquila, aut serpens Epidaurius.

At notatu dignum est vetus Adagium, II.  
quod habet Valerius Maximus: Μὴ μνησθῆς — Aliqua ma-  
κῆσις. Ne memineris malorum. Sic qui olim ob- la sunt te-  
literari memoriam malorum iubebant, illud genda.  
Homeri vsurpabant.

Τὰ δὲ πᾶσι τοῖς μεταπώλια θεῶν,  
Irrita Dī superi ventis hac omnia tradant.

Nam qua, malum, est insania, ea, que iamdudum *Sunt verba*  
sopita atque obliterata sunt, mala, denuo iterum in *Murex.*  
apricum producere? quam vero utilitatem affert?  
Si quis sordes in cloaca delitescentes, commouere ba-  
culoque aut alio instrumento hinc inde atque ex imo  
quasi fundo proturbare ausit, quid aliud aget,  
quam quod foetorem excitabit longe grauiorem  
atque atrox minabilior? Apage igitur mihi sint ne-  
bulones isti stercorearii, quibus id volupe est, ut aliorum  
delicta iamdiu obliuione sepulta, ex intus quasi ter-  
ra abyssi eruant atq; eradant; digni mediis-fidius,  
qui



qui in cloca, à se commota, fœtore suffocati vitam finiunt.

## O D A XIIIV.

In eos, qui aures demulcendas sibi porrigunt.

## N V C L E V S.

Vterq; nequam, & qui adulatur, & qui adulatione delectatur.

**Q**ui vellicandas porrigit  
Aures adulatoribus,  
Circumq; circa naribus  
Tractus, retractus, ducitur,  
Ne mentis impos est sua,  
Stultoq; quouis stultior.

Qui vellicandas arripit  
Aures dolo consutitili,  
Circumq; circa naribus  
Tractum, retractum, ductitat,  
Ne mentis impos candida,  
Et fure quouis nequior.

Quis damna, quis pericula,  
Venena quis lethalia  
Retexat ore singula,  
Quæ palpo dat versatilis?

At



Hic aures demulcet.



At nunc ita usus obtinet :

Odiosa sordet veritas :

Fallax amicos plurimos

Acquirit aſentatio,

Et aurium demuſio.

Hæc peſtis aſulas principum

Præoccupat potiſſimum,

Quas



Quas hi palatini canes  
 Tantis dolis coinquinant,  
 Fucisq; tam subtiliter  
 Effabricatis obruunt,  
 Ut exulare candida  
 Cogatur inde veritas.  
 Nec mira res est admodum,  
 Cum principum pars maxima  
 Plerumq; pruriens  
 Sit aurium tam prodiga,  
 Ut vellicandas suauiter  
 Aures utrasq; porrigant,  
 Laudesq; plus Gnathonicas  
 Quam veritatem diligant.  
 Horum deinde subditi  
 Fiunt furoris amuli,  
 Et quinq; de vilissima  
 Natus licet plebecula  
 Aures suas palponibus  
 Vasisq; adulatoribus  
 Late trabendas commodat,  
 Ne, blanda vellicatio  
 Si deforet diutius,  
 Vel diffuant torpedine,  
 Vel concidant marcedine.

Tu cautior, qui plurima  
 Vitare vis pericula,  
 Arce Gnathones auribus,  
 Arce Gnathones adibus.

NOTÆ.

Vi tam  
 mentis  
 mines, sed  
 est landari  
 nim (Alam  
 est adalation  
 commendat  
 Quidam a  
 der Magni  
 bis circuli  
 cum repre  
 cretceret  
 sters; Om  
 palam hoc  
 cimus di  
 prudentem  
 concupiscit  
 verba ep  
 De Sig  
 nius lib  
 si, nati  
 prolecut  
 tator qui  
 Disque  
 grandes  
 tabunde  
 Imperator  
 adulator



## N O T Æ.

**Q** Vi tantopere adulationibus & palpa-  
 mentis delectantur, nã illi non sunt ho-  
 mines, sed simiæ, quibus summum volupe  
 est, laudari. Vere simii, imo insani! *Adulatio-  
 nis descri-  
 ptio.* Quid e-  
 nim ( Alanus de complanctu naturæ ) aliud  
 est adulationis vnctio, nisi donorum emunctio? Quid  
 commendationis allusio, nisi pralatorum delusio?  
 Quid laudis arrisio, nisi eorundem derisio? [ Alexā-  
 der Magnus, cum in obsidione cuiusdam vr-  
 bis circuisset muros, ictu sagittæ percussus,  
 cum represso sanguine sicci vulneris dolor  
 cresceret, & crus obstupuisset, coactus absi-  
 stere; Omnes, inquit, me filium esse iurant Iouis, sed  
 vulnus hoc hominem me esse clamat. Idem nos fa-  
 ciamus dicamusq; : Vos quidem dicitis me esse  
 prudentem, ego autem video, quam multa inutilia  
 concupiscam, nocitura optem. Hæc Senecæ sunt  
 verba epist. 60. ad Lucil. ]

De Sigismundo Imperatore Aeneas Syl-  
 uiius lib. i. comment. de rebus gestis Alpho-  
 si, narrat, Vatiniano ipsam adultores odio  
 persecutum fuisse. Cumq; aliquando assen-  
 tator quidam supra modum eum laudasset,  
 Diisq; similem esse dixisset, alapas aliquot  
 grandes ei impexit. De quibus cum ille lamē-  
 tabundus quereretur, rogaretq;: Cur me cedis,  
 Imperator? Cur me, inquit Sigismundus, mordes,  
 adulator?

Sic



Sic Bion, eos qui auscultarent adulatoribus, dicebat esse similes amphoris, quæ auribus circumaguntur; referente Erasmo 8. Apophth. ex Plutarcho.

Diogenis adagium erat: *Κρεῖττον ἐμπεσεῖν εἰς κέρακας, ἢ εἰς κόλακας.* Tutius est, incidere in cornuos, quam in adulatores. In quem sensum est epigramma Iacobi Billii, in Anthologia sacra:

Non inter cicures palpone nocentior vlla est

Bellua, nec quæ plus gignat in orbe mali.

Vix etenim est vllus, cui non per verba propinet,

Quæ mage sint ipso dulcia melle, necem.

Ac licet extincto coruus se corpore pascat:

Corporibus viuis abstinet ille tamen.

Sauior at contra palpo nece parcat ademptis:

At viuos blandis morfibz vsq; petit.

Alan. de  
complacitu  
natur.

Huius pestis pestilentia percutiunt principum laterales, palatini canes, adulationis artifices, fabri laudis, figuli falsitatis. Hi sunt, qui magniloqua commendationis tuba in diuitum auribus citharizant, qui medica adulationis fauos foras eructant, qui, vt emungant munera, caput diuitis oleo adulationis inungunt, prælatorum auribus puluinaria laudum subiciunt, qui ab eorum palliis, aut fictitium puluerem excutiunt, aut vestem fictitie deplumant implumem.

Eadem prorsus Cassiodorus de eodem vitio tradit. Adulatio, inquit, blanda omnibus applaudit, omnibus salue dicit, prodigos vocat liberales: auaros, parcos & sapientes: lasciuos, curiales; garrulos,



O D A XIIIV.

81

los, affabiles: obstinatos, constantes: pigros, maturos  
& graues. Hæc sagitta leuiter volat, & cito infigi-  
tur.

Qui plura hac de re cupis lege Theophrast.  
de notis assentatorum, Vbi multa, quærifum  
tibi mouebunt.

Magnates & Principes aduersus istud adu-  
lationis venenum, Homericum illud, tan-  
quam pharmacon quoddam, in promptu  
semper habeant:

ἔτοι ἐγὼ θεός εἰμι, τί μ' ἀθανάτοισιν εἶσθαι;

Nullum ego sum numen, quid me immortalibus  
aquis?

Inferioris fortunæ homines illud Cicero-  
nis lib. I Offic. Cauendum, ne assentatoribus pate-  
faciamus aures, & ne adulari nos sinamus, in quo  
falli facile est. Tales enim nos esse putamus, vt iure  
laudemur: ex quo nascuntur innumerabilia pescata.  
Intus, inquit Seneca epist. 77. te ipsum considera,  
non, qualis sis, alii credas.

O D A XIV.

In calumniatores atq; obtreclatores.

N V C L E V S.

Omnia si perdas, famam seruare memento,  
Qua semel amissa postea nullus eris,

**A** Cerba vulgo nummuli,  
Multoq; adhuc acerbior,

F

Iactura



Iactura vita creditur.  
At nominis si lesio  
Famaq<sup>3</sup> diminutio  
His comparetur paruuli  
Referre vix puluisculi  
Poterunt vel vnum granulum.  
Quin ipsa famam nominis  
Et iura vita praefereunt,  
Multoq<sup>3</sup> pluriis aestimant.

Sed hisce non obstantibus  
Tam nunc scelesti plurimum  
Nequam viget peruersitas,  
Et nauseanda prauitas,  
Vt quosq<sup>3</sup> candidissimos  
Viros, eosdemq<sup>3</sup> optimos  
Conuitiis turpissimis,  
Teluq<sup>3</sup> linguae pessimis  
Non erubescant pungeri;  
At quosq<sup>3</sup> contra pessimos  
Nequam celebrioribus  
Ad astra tollant laudibus.

O prauitatem seculi!  
O irrigandam plurimis  
Peruersitatem fletibus!  
Praesentis o deterrimam  
Aetatis insolentiam!  
Quae de caprina lanula  
Aliisue causis friuolis  
In proximum grauissimis  
Armata probris, detonat.

Ovi-



Hic vnus est è circumforaneorum grege.



O viperas dirissimas,  
 Canesq; liuidissimos,  
 Dignissimos, quos desuper  
 Fœtens matella proluat!  
 Candoris at tute appetens  
 Ne pende vili nominis  
 Existimatiunculam,

F z Quam-



Quamuisq; perdas omnia,  
 Domos, agellos, pradia,  
 Pecunias: famam tamen  
 Seruare semper integram  
 Summis stude laboribus,  
 Namq; hac semel deperdita  
 Perdes misellus omnia,  
 Erisq; nullus postea.

## NOTÆ.

I.  
*Calumnia  
 & detractio  
 quantum  
 vitium.*

Eiusdem prorsus cum hac summulæ erat  
 Oda IV. ad quam vide quæ adnotaui.

Nimirum uti quisque est nequissimus, ita  
 alios etiam veluti sui similes traducit. Quem-  
 admodum igitur non laus est, nisi à viro lau-  
 dato lauderis, ita nec vituperium est, quod à  
 nebulone in virum bonum euomitur. Belle  
 admodum Seneca de remed. fortun. Male,  
 inquit, de te opinantur homines, sed mali. Mouerer,  
 si me Marius, si Cato, si Lelius sapiens, si alter Cato si  
 Scipiones duo ista loquerentur: mouerer, si hoc iudi-  
 cio facerent, quod nunc morbo faciunt. Etenim, ut  
 Comicus Græcus ait,

ἢ θες δικαίᾳ φάουλῃ & ψάυει λόγῳ.

Attingere probos verba non queunt mala.

Et dic quæso; Si quis solem tenebrarum autho-  
 rem aestimet, soline an sibi detraxit? Sibi videlicet i-  
 pso, cum furiosi & insanientis opinionem sequatur.  
 Eodem profecto modo, qui prauos bonos esse putant, &  
 è contrario se ipsos vituperant.

Bonæ



Bonæ profecto famæ apprime esse studen-  
dum, authores monent. Seneca de remed.  
fort.

Bona, inquit, opinio hominum tutior est pecunia. II.  
Bonum est, quod supprimitur, nequaquam extingui- *Bona fama*  
tur: bona fama in tenebris proprium splendorem te- *prastantior*  
net. Idem in Prou. Honestus rumor alterum est pa- *dititit.*  
trimonium.

Ouid. 2. Fastor.

Fama manet facti, posito velamine currunt,  
Et memorem famam, qui bene gessit, habet.

Salomon etiam, rex sub sole sapientissi-  
mus, idem approbat Prouerb. 22. Melius est no-  
men bonum, quam diuitia multa: super argentum e-  
nim & aurum gratia bona. Et Isidorus in syno-  
nymis soliloquiorum lib. 2. cap. 27. Disce bono  
flagrare praconio. Custodi bonam famam tuam.  
Plaut. Mostellaria:

Ego si bonam famam mihi seruassio, sat ero diues.

Ouid. lib. 3. Pont. eleg. 2.

Corpora debentur mæstis ex angustia bustis,  
Effugiunt structos nomen honosq; rogos.  
Occidit & Theseus, & qui tumulauit Orestem:  
Sed tamen in laudes uiuit uterq; suas.



## O D A XV.

In eos, qui pecunia & muneribus cor-  
rumpuntur.

## N V C L E V S.

Bos in lingua.

**A** Deste nunc famelici,  
Quos appetitus aureus,  
Famesq; quos argentea,  
Sitiue nummularia  
Sua inficit cupidine:  
Laudes quibus, conuitia,  
Ius, fas, nefasq; munia,  
Et cuncta sunt venalia:  
Qui, cum fere nequissimi  
Sint, quos solum fert, omnium.  
Et vlla, quamuis pessima,  
Non erubescant crimina  
Ausu patrare perfido,  
Lucem verentes splendidam,  
Post terga retro clanculum  
Acceptilant pecuniam,  
Tam callidis versutiis,  
Et subdolis astutiis,  
Illos vt esse deieres  
Pulcerrimos & optimos.

Cui-



Hic retro capit pecuniam.



Ciuitatis amulos,  
Vt qui recusent prabita  
Opis ferendae gratia  
Clientulorum premia.

At si retracta paululum  
Conspexerint munuscula,  
Mox acriores flagitant,

F 4

Et



Et ceu rapaces miluii  
Suisprehendunt vnguibus.

At hæc lues potissimum  
Contagiosa iudices  
Nostri subintrat seculi,  
Queis bos recludit spiritum,  
Ne veritati congruam  
Pronuncient sententiam,  
Lucrig, turpis gratia  
Album nigellum dictitant,  
Obliqua recta iudicant,  
Et iura turbant omnia.

Vbiq, vincit scilicet  
Immensa nummi autoritas,  
Pecunieq, copia;  
Castrumq, inexpugnabile  
Non est, modo id contingere  
Hastæ queant argenteæ,  
Asinusq, multo scandere  
Onustus auri pondere.

## NOTÆ.

I. **P**ecunia, sed verum est adagium: *Pecunia obediunt omnia.* Græcorum eodem tendit: *ἡνίκα τις ἀνὴρ.* Pecunia vir. Nimirum, quod Horatius asserit,

— Vxorem cum dote, fidemq, & amicos,  
Et genus, & formam regina pecunia donat.  
His ὁμῶς ἡ πόσις sunt versus illi iambici senarii ex Bellerophonte Euripidis:

Sine



*Sine me vocari pessimum, ut diues vocer.*

*Nemo, an bonus : an diues, omnes quarimus.*

*Non quare, & vnde ? quid habeas, tantum ro-  
gant.*

*Vbiq<sub>3</sub>, tanti quisq<sub>3</sub>, quantum habuit, fuit:*

*Quid habere nobis turpe sit queris ? Nihil :*

*An diues, quarimus omnes, nemo an bonus.*

*Aut diues opto viuere, aut pauper mori.*

*Bene moritur, quisquis moritur, dum lucrum fa-  
cit.*

*Pecunia ingens generis humani bonum.*

*Virgilius lib. 3. Aeneidos :*

*----- Quid non mortalia pectora cogis*

*Auri sacra fames ?*

*Horatius ex 2. serm. Satyr. 3.*

*----- Omnis enim res*

*Virtus, fama, decus, diuina humanaq<sub>3</sub> pulcris*

*Diuitiis parent : quas qui construxerit, ille*

*Clarus erit, fortis, iustus, sapiens, etiam & rex,*

*Et quicquid volet.*

*Propertius :*

*Aurum omnes victa iam pietate colunt.*

*Auro pulsa fides, auro venalia iura :*

*Aurum lex sequitur: mox sine lege pudor.*

*Iacobus Philomulus Poeta :*

*Aurum destructor vitæ, princepsq<sub>3</sub> malorum,*

*O quam difficiles nectis vbiq<sub>3</sub> dolos ?*

*O vtinam natum nunquam mortalibus esses,*

*Dulcia suppeditas quæ nocumenta viris !*



Te propter pugna fiunt, & bella mouentur,  
 Ad prædam & cædes corpora nostra trahis.  
 Tu facis, ingratus patrem quod filius odit :  
 Inter & agnatos iurgia sæpe moues.  
 Prosternis gentes, & totum destruis orbem,  
 Nulla fides hominis te duce stare potest.

Flaccus :

Aurum per medios ire satellites,  
 Et perrumpere amat castra potentius  
 Ferro.

De iudice pecunia & muneribus corru-  
 pto vulgo; Ἀργυράλχην πάσχει. Argentanginam  
 patitur. Item : Bos in lingua.

De istiusmodi peruersis iudicibus, qui cor-  
 rupti muneribus suffragia iniqua ferunt, aut  
 per tyrannidem innocuos opprimunt, &  
 Homerus Iliad. π.

Οἱ βίη ἐν ἀγρῇ σὺν λαῖς κέρνωσι θεμιστος,  
 οἱ δὲ δίκην ἐλάσσωσι, θεῶν ὅπιν σὺν ἀλέγροντες.

Qui per vim in populi cætu communia iura  
 Deprauant, ac iustitiam depellere tentant,  
 Nil veriti vocem Diuum.

At hos imitari potius decebat Anacreon-  
 tem, qui, cum à Polycrate tyranno quinque  
 talentorum acceperat munus, infomnes  
 duas ducebat noctes, indeque cogitatione  
 sollicitus, reddidit ea, dicens : Non tanti  
 ea sibi esse, vt tanta cura vexari  
 vellet.

ODA



## O D A. XVI.

*In viros duplices.*

## N V C L E V S.

Vir duplex duplex malum.

**N**unc in theatrum duplici  
Ducemus ore preditum,  
Istique nequam comoda  
De sede providebimus;  
Quam pone falsos iudices,  
Et institores subdolos,  
Iure occupabit optimo,  
Cum dirigat mutabile  
Ad flabra venti pallium.

Talis figura iudicis  
Depingitur nequissimi,  
Qui forte currum acceperat,  
Ex rusticelli munere,  
Ut largienti diceret  
Accommodam sententiam.  
A parte sed contraria  
Corruptus idem postea  
Prastantiori munere,  
Equis duobus scilicet,  
Opimitate splendidis,  
In rusticellum protulit  
Trifurcifer sententiam,

AC



NEBVL. NEBVLO.  
Hic egregiam se lanam ducere  
simulat.



At ille questus plurimum  
Tristis rogabat, eccubi  
Currus suus remanserit;  
Cui, Barde, iudex; quid rogas?  
Equis abactus pectore  
Dudum recessit è meo.

Tales



Tales adhuc quamplurimi  
 In orbe dantur iudices,  
 Qui sese vtriusq; serio  
 Fingunt fauere partibus,  
 Cum nil volutent pectore.  
 Quam fraude furem pessimum,  
 Et pelle nequam maximum  
 Turpissima circumferant.

Sic institores perfidi  
 His moribus sunt præditi:  
 Emturientes vilius  
 Diuendituri carius  
 Plerumq; merces æstimant,  
 Tantisq; miscent fraudibus,  
 Vt ventilata maximis  
 Mendaciorum flatibus  
 Trabes fragore contremant.

Nil orbe roto scilicet  
 Hoc inuenitur tempore,  
 Expers quod esset fraudium,  
 Sed sceptravbiq; regia  
 Vulpina pellis obtinet.

## N O T Æ.

**D**E viris duplicibus vide quæ supra ad o-  
 dam 6. attuli. Nam similis hæc cum illa *Viri dupli-*  
 est farinæ. De iudicibus etiam & iurisperitis, *ces qui.*  
 sub hoc nequitia vexillo strenue militanti-  
 bus, vide, quæ itidem supra ad odam 3. adno-  
 tati.

De



II.  
*Institorum  
 & mercato-  
 rum indo-  
 les.*

De institoribus mercatoribusque Augu-  
 stinus lib. 13. de Ciuit. Dei, cap. 2. ait: *Omnes  
 volunt viliter emere, & care vendere. Quos eorun-  
 dem mores & Horatius l. 2. epist. ad Iulium  
 Florum perstringit:*

— *Plenius aquo*

*Laudat venales, qui vult extrudere, merces.*

Par similitudinum elegans de institorum  
 moribus habet Chrysostomus, quas non pos-  
 sum non subdere. Prior est in Homil. 38. in  
 21. cap. Marth. *Quemadmodum qui ambulat inter  
 duos inimicos, ambobus placere volens, & se commen-  
 dare, sine maliloquio non potest; necesse est enim,  
 vt & isti male loquatur de illo, & illi male lo-  
 quatur de isto: Sic qui emit & vendit, sine men-  
 dacio esse non potest & periurio: necesse est e-  
 nim, vt negotiatoribus hic iuret, quia non tantum  
 valet res, quanto comparet eam: & ille iuret, quia  
 plus valet res, quam vendit. Posterior ibidem:  
*Quemadmodum, si triticum, aut aliquam bladi spe-  
 ciem in cribro, dum huc illucq; iactas id, grana omnia  
 paulatim deorsum cadunt, & in fine in cribro nihil  
 remanet, nisi stercus solum: Sic & substantia nego-  
 riatorum, dum vendunt & veneunt, inter emtionem  
 & venditionem minuitur, & in nouissimo nihil illis  
 remanet, nisi peccatum. Vide etiam, quæ infra  
 ad Odam 26. adnotabimus, vbi plura de  
 iniquitatibus & fallaciis mer-  
 catorum reperies.**

ODA



## O D A XVII.

*In Parasitastros & amicos ollares.*

## N V C L E V S.


*Alieno corio ludere facile.*

**S**Vnt, quos iuuat pinguedine  
Orbes nitentes lingere,  
Aliisq<sub>3</sub> quadris, musculi  
Furacis instar, viuere,  
Propriisq<sub>3</sub> nummis parcere,  
Quos ollularum aruspices  
Non absq<sub>3</sub> causa dixeris;  
Quod mos sit illis ollulas  
Famelicis disquirere,  
Atrumq<sub>3</sub> sorptum sordido  
Vorare panem iusculo,  
Aquamq<sub>3</sub> dicere optimam,  
Manibus lauandis prabitam,  
Quod hac paratam scilicet  
Declaret esse coenulam.  
Hi carnis assæ frustulum  
Per dena miliaria  
Suis odorant naribus  
Auida<sub>3</sub> fauce glutunt.

At



Hic ollam sequitur atque cibum.



At cum iubentur debitos  
 Numerare nummos hospiti,  
 Nequam caput sub mensula  
 Ceu dormientes occulunt,  
 Velutq<sup>3</sup> profundissimo  
 Sopore pressi, gutture  
 Ronchos ab imo maximos

La-



Late sonori ductitant,  
 Nullisq<sub>3</sub> possunt erigi  
 Tumultuationibus,  
 Aut vellicationibus:  
 Tam suaue nequam dormiunt!

At si vel vno verbulo  
 Solutionem spondeas,  
 Audaciores redditi  
 Caput scelestum proferunt,  
 Vagosq<sub>3</sub> confidentius  
 Hinc inde ocellos missitant.

Quid obstat ergo, quo minus  
 Lubens & hos in ordinem  
 Nequam receptos collocem?

## NOTÆ.

**G**enuino ptofecto hos nomine Græci i.  
*παράσιτος* appellitant, quod semper alio- *Parasitē*  
 rum culinam cibosque sectentur, & murium *qui.*  
 instar semper alienū rodant cibum. Sic enim  
 Parasitus quidam apud Plautum in Captiu.  
 de se suiue similibus: *Quasi mures semper edi-*  
*mus alienum cibum.*

*Ἄλλοτεροφάγοι* etiam vocantur, quibus dul-  
 ce est aliena viuere quadra. Quin & ab iisdem  
 Græcis prouerbiali verbo *μυσπολεῖ* dicuntur,  
 quasi qui muris in morem cibi causa obam-  
 bulent oberrentque, laboris omnino omnis  
 & exercitationis impatientes. Quemadmo-  
 dum

G dum



dum enim vultures triduo futura cadauera præsentunt, eoque aduolant: ita hi per longa locorum interualla cibos dapesque naribus sagacibus odorant, gressibusque concitatis ad illas aduolant.

Nundinis nuperis Francofurtensibus meminisse me vidisse circumforaneum seu præstigiatores quendam, vrsus secum deducen-tem, quem lōgo assuetum tempore ita informarat, vt velut conuiuā aut hospes sellulæ cuiuspiam tanquam mensæ assideret: à quo cum iste symboli solutionem exegisset, vrsus, profundo quasi somno depressus, caput subter mensam occultabat, & grandibus licet verberibus impetitus, eo adduci nequibat, vt expergisceretur. Prolatis autem à circumforaneo, tacitoque murmure expressis verbis, quibus immunitatem à Symboli solutione dormitanti pollicitabatur, vrsus veluti rediuius è sopore assurgens caput lætus circumferebat, liberalitatisque quasi gratias agebat.

Tanta scilicet vitii huius est frequentia, vt circulatores etiam, tonfores & funambuli istud taxent, atque in vrsu, animali isto ap- prime monstruoso, foeditatem istius ob oculos nobis ponant. Sed apage mihi sit ab honestis compotatiunculis ista quorundam for- dida tenacitas, quibus volupe est, alienis ex oculis genio suo indulgere, & semper αὐτῷ

βόλῃ



O D A XVIII.

99

*Salus esse. Apage, inquam, sint isti: cum  
Commodius portetur onus, quod pondere nu-  
tat*

*Aquo, & pari consistit aequilibrio.*

O D A XIIX.

*In eos, qui scandala iuventuti exhibent.*

N V C L E V S.

*Scandala sunt vitanda*

**T**Am nunc iuventus omnibus  
Scelesta turget fraudibus,  
Vitaq; turpitudine,  
Vt non opus sit pluribus  
Vel institutionibus,  
Vel incitationibus,  
Quibus, velut calcaribus,  
Ad omne morum dedecus  
Prono ferantur impetu.

Istud profecto dixerim;  
Certoq; comprobauerim,  
Hunc qui iuventam turpia  
Velit docere crimina,  
Et exhibere scandala,  
Vesti pediclos sordida,  
Maenoq; lymphas addere,

G 2

Puella



Hic pediculos vesti pelliceæ addit.



Puella, quæ decennium  
Vix nata, multo nequior  
Nunc est, vetus quam fœmina,  
Annisq; multis obfita.  
Puerq;, qui decennium  
Vix natus, iſceſtior  
Eſt, quam tremens ſenecio,

An-



*Annisq; multis obfitus.*

*Tanta iuuentus ad malum*

*Velocitate cursitat!*

*Tanta iuuentus ad bonam*

*Tardatione reptitat!*

*Atqui parentes plurimi*

*Tam sese honestitudinis*

*Oblitosos exhibent,*

*Vt scandalosa liberis*

*Exempla dent quamplurima,*

*Non verbulis solummodo,*

*Factis sed obscenissimis,*

*Turpissimisq; gestibus*

*Ad impudicos incitent*

*Actus, velutq; ductitent,*

*Cum tempus ipsum sit tamen*

*Rerum magister omnium,*

*Tandemq; fontes indicent,*

*Vnde extrahant infantulos;*

*Causamq; monstret, succuba*

*Cur insidentem tergori,*

*Et vellicantem cristu'as,*

*Gallina gallum portitet.*

## N O T Æ.

**V**T gypsum aut argilla, dum est vda, in I.  
 quamuis imaginem facile sequitur fin- *Pueri à te-*  
 gentis manum: ita rudes iuuentutis animi *neris statim*  
 facile in quamcunque, facilius autem, in de- *unguiculis*  
 terio- *ad bonum*



sunt infor-  
mandi.

teriore partem, flectuntur. Nam, vt Ambrosius lib. 1. de viduis ait; *Vicina est lapsibus adolescentia. Quia variarum astus cupiditatum feruore calentis inflammatur etatis.* Mature igitur pueri à vitiis sunt arcendi, & ad virtutum studia adigendi; nec vel verbulo vel gestu remora scandalumue ipsis exhibendum. Quemadmodum enim sulphur subito ignem concipit: ita iuuentus facile ad omnis generis crimina perpetranda inflammatur.

Virgilii potius consilio locus dandus, qui 3. Georg. lib. tale suggerit:

*Tu quos ad studium, atque vsum formabis agre-  
stem,*

*Iam vitulos hortare, viamq; insiste domandi,  
Dum faciles animi iuuenum, dum mobilis atq;*

Sic Horat. 3. Carm. 24,

— *Et tenera nimis  
Mentes asperioribus  
Formanda studiis.*

Idem 1. Epist. 2.

*Fingit equum tenera docilem ceruice magister  
Ire viam, quæ monstrat eques: venaticus ex quo  
Tempore ceruinam pellem latrauit in aula,  
Militat in syluis catulus, nunc imbibepuro  
Pectore verba, puer, nunc te melioribus offer.  
Quo semel est imbuta recens, seruabit odorem  
Testa diu.*

Sene-



Seneca Oct.

*Regenda magis est feruida adolescentia.*

Deniq; Comicus Græcus:

*Νέος πεφυκὼς πολλὰ ζητεῖ μὲν ἄνευ.**Annis iuuentæ multa discito bona.*

Iuuenalis Sat. 14.

*Nil dictu fœdum visusq; hæc limina tangat,**Intra quæ puer est: procul hinc procul ite puella**Lenonum, & cantus pernoctantis parafiti.**Maxima debetur puero reuerentia, si quid**Turpe paras, nec tu pueri contemseris annos,**Sed peccaturo obfistat tibi filius infans.*

II.

Verum deploranda quorundam locorum, *Consuetudo quorundam locorum pessima.*  
 ciuitatum præsertim, restat impia consuetu-  
 do, in quibus publica lupanaria, non dicam, *locorum pes-*  
 tolerantur, sed conseruantur, & patronos ha-  
 bent acerrimos: Imo quibus publica theatra,  
 immunitates & stipendia concessa sunt. Id-  
 que calua atque impia penitus ratiuncula,  
 contra diuinas leges ipsumque Dei verbum  
 è diametro pugnante; Vt nimirum, inquit,  
 iuuentus egesto illic libidinis impetu peiora  
 conari desistat. Sed ô scelus consuetudinis  
 inextinguibile! Hocine est remouere scanda-  
 la? Vide hac de re differentem Cornelium  
 Agrippam de arte meretricia & lenonia.

Tu, quicumq; sapias,

*Principiis obsta, sero medicina paratur,**Cum mala per longas inualuere moras:**Cum primis vero fuge scandala. Illæ namq;*

G 4

cala-



calamitatum malorumq; omnium semina-  
ria sunt, ac vitiorum fomenta: nam, vt Phi-  
losophi aiunt, *paruus error in principio, maximus*  
*in extremo esse consuevit*; & exigua scandali ali-  
cuius exhibitio maximum sæpe peccatum  
producit. Noui nobilem, qui sequens sym-  
bolum insignibus suis inscriptum vsurpabat:  
*Ex parua flamma magnus ignis*. Vere profecto!  
Parua scilicet scandali scintilla sæpenumero  
maximum calamitatum infelicitatumque  
excitare solet incendium, quod vt in fauillis  
adhuc restinguas, bis terq; moneo.

## O D A XIX.

*In futes rimarumq; plenas aniculas.*

## N V C L E V S.

Quem diabolus veretur, anus adit  
locum.

**S**I non aberro, Cerberum  
Vix futilis, loquacula,  
Plenaq; rimis foemina  
Malignitatem censeo  
Aequare posse pessimam.  
Hec ade si fors prodeat,  
Omnes pererrat angulos,  
Sibiq; quarit garrula

Di-



Par hoc est anicularum garrularum.



Dicacitate comparem.  
 Quam nacta prolixissimam  
 Orditur ore fabulam,  
 Telamq; texit maximam:  
 Quid Imperator egerit;  
 Quid Pontifex sanciverit;  
 Quid Principes decreuerint;

G 5

Quid



Quid praeo verbi nupera  
Pro concione dixerit;  
Ut appetentes scænoris  
Taxarit vsurarios,  
Aliosue reprehenderit;  
Quoties maritus proxima  
De nocte se subegerit;  
Vestes quot & subuculas  
Sartor sibi confecerit;  
Et quid noui rumusculi  
In balneis audiuerit;  
Quid murmurando Iupiter  
Iunoni in aurem dixerit;  
Hæc illa nouit omnia,  
Hæc illa satur omnia,  
Mendaciisq; plurima  
Conglutinat mendacia,  
Fraudesq; nectit fraudibus:  
Probris deinde candidos  
Conuiriatur pessimis,  
Nullusq; quamuis optimis  
Parcit scelestamentibus,  
Sed ore semper liuidum  
Ensem nociuo gestitat.  
O digna, cuius maximis,  
Vagina pugnæ vapulet!

NOTÆ.



## NOTÆ.

Garrulitas hic non solum anicularum, I.  
sed & aliorum omnium iure taxatur. Et *Garrulita-*  
id quidem merito. Nam, uti ait Euripides, *tis vitium*  
*turpe.*

*Ἀχαλίνων σοφῶτων τὸ τέλος δυσχία.*

*Finis loquacitatis infortunium.*

Sed & circumuagationes & discursatio- II.  
nes honestas mulieres omnino dedecent. *Discursatio*  
*nes an mu-*  
*lieres de-*  
*ceant.*  
*Vxor*, inquit *Psaltes* 127. *Ps. tua sicut vitis abun-*  
*dans in lateribus domus tuæ.* Solent quidem ali-  
quibus in locis vites in foribus domorum  
collocari: comparaturus autem viti vxorem  
honesti viri, non eam viti præ foribus existen-  
ti voluit comparare, hæc enim exposita est  
prætereuntibus, sed viti in lateribus domus  
constitutæ. Talis debet esse honesta mulier,  
non in foribus consistens, aut more ardelio-  
nis cuiusdam hinc inde per vicos & compi-  
ta discursans, sed in lateribus & secretis do-  
mus suæ. Et ob eandem causam *Prouerb.* 31.  
de muliere bona dicitur: *Considerauit semitas*  
*domus suæ, & panem otiosa non comedit.* Non sci-  
licet considerauit plateas & vias ciuitatis,  
sed semitas domus suæ: has perambulat ho-  
nesta mulier, has considerat attente, has cal-  
cat prouide, ac prospicit, quid intra parietes  
domus suæ sibi agendum sit, & ideo panem  
otiosa



otiosa non comedit, sicut mulier facit vagabunda, quæ domi consistere nequit. Imitari scilicet honestam mulierculam decet exemplum Iudith, quæ secretum sibi cubiculum in superioribus domus suæ in sacris literis construxisse legitur, in quo clausa veluti morabatur. Non satis illi fuit, intra ianuas domus secretum cubiculum facere, sed in superiore & remotiore parte domus suæ illud construxit, & eo se recepit. Nimirum sancta erat, pia erat, casta erat: & mulier, quæ sancta, pia, casta esse cupit, hanc ipsius sanctitatem, pietatem & castitatem sectetur.

## O D A XX.

*In eos, qui multa in se expedienda suscipiunt  
negotia.*

## N V C L E V S.

Nemo potest Dominis simul inseruire  
duobus.

**A** Estate binis indui  
Subuculis, & vnico  
Heris duobus tempore  
Deferre velle munia,  
Vnoq; ceruulos cane

Au-



Hic inter duas sellas corruit.



Audere binos insequi,  
 Simulq, eundem laudibus  
 Ornare nunc, nunc carpere;  
 Inter duas hac sellulas  
 Eecere labi plurimos.

Qui curiosus plurimis  
 Sese ingerit negotiis,

Artesq,



Artesq<sub>3</sub> tractat plurimas,  
 Est ille longe plurimis  
 Subiectus infortuniis.  
 Nam vel ferenda protinus  
 Est impar ille sarcina,  
 Vel si ferenda idoneus  
 Sit ille forsan sarcina,  
 Vtring<sub>3</sub> tandem muneris  
 Vel accipit vilissimum,  
 Nullumue prorsus premium,  
 Instar catelli Æsopici,  
 Qui carnis ore frustulum  
 Gestans, aquasq<sub>3</sub> transmeans,  
 Umbra sub vndis carnea  
 Visa, volebat promere.  
 Frustratus atqui spe sua  
 Vtramq<sub>3</sub> carnem perdidit,  
 Veram ac imaginariam.  
 Hoc ergo tu prudentior  
 Memori reuolue pectore,  
 Si sede qua sedes bona,  
 Eritq<sub>3</sub> sedes commoda,  
 Hac sede tu sede, nec hac  
 Recede sede commoda.

## NOTÆ.

i.  
 Duplex ser-  
 uitus ab-  
 surda.

C O m p r o b a t s e n s u m O d æ h u i u s i p s e n o-  
 s t e r S a l u a t o r M a t t h . 4 . N e m o , i n q u i e n s ,  
 p o t e s t d u o b u s d o m i n i s s e r u i r e . A u t e n i m v n u m o d i o  
 h a-



ODA XX.

tit

habet, & alterum diligit, aut vnum sustinebit, &  
alterum contemnet.

Cuius sententiæ erat & Alexander Ma-  
gnus, ad quem cum Darius Persarum rex le-  
gationem misisset, dimidiamque regni sui  
partē ei obtulisset, animo eam magno repu-  
diavit: *Mundus*, inquit, *non agnoscit duos Soles.*  
Insani igitur sunt, qui plurimis se immiscant  
muneribus atque negotiis, cum vix vni ali-  
cui recte & pro æquitate pares esse queant.

Ergo qui sapias, Phocylidem audi:

*Καὶ ρῶ δ' αὖτις, μὴ δὲ ἀντιπνέειν ἀνέμοισι.*

II.

*Occasioni obtempera, & noli spirare contra*  
*ventos.* *Occasioni*  
*seruiendum.*

Et Catonem lib. 2.

*Rem tibi quam noris aptam dimittere noli,*

*Fronte capillata est, post hac occasio calua.*

Et alterum item Poetam:

*Si qua sede sedes, & erit tibi commoda sedes,*

*Illam sede sede, nec ab illa sede recede.*

ODA XXI.

*In procos, qui diuitias ambiunt.*

N V C L E V S.

Virtus spectanda, non nummus.

**A**nnis ab hinc prioribus,  
Cum candor ille simplicis

Ad-



Profunda hic verba promit.



Adhuc vigeret seculi,  
 Si quis volebat nubere,  
 Thoriq; capere coniugem,  
 Non copiam pecunie,  
 Dotisue magnitudinem,  
 Ambibat aut pulcredinem,  
 Sed castitatem foeminae,

Quam



Quam fors amare cœperat,  
Morumq; amor congruam  
Spectabat elegantiam,  
Vitæq; honestitudinem  
Quod si bonis solummodo  
Famaq; honesta pradis  
Isthæc foret parentibus  
Prognata, nil de cæteris  
Bonis petebat amplius,  
Non æra, non pecunias,  
Non arua, dotes, prædia,  
Vel postulabant talia,

Annis at his præsentibus;  
Cum candor ille simplicis  
Exinctus alget sæculi,  
Si coniugalem quispian  
Cupit subire lectulum,  
Vim maximam pecuniæ,  
Grandemq; dotis copiam  
Plerunq; solui postulat,  
Illaq; primum querit at,  
Diuesne sit, vel indiga,  
Quam concupiscit, foemina.  
Si diues, illico accipit,  
Suumq; dicit corculum,  
Suamq; dicit ceruulam:  
Si pauper, illam respuit,  
Suamq; dicit nauseam,  
Foedamq; dicit simiam,  
Non is senectam debilem,

H

Lip-



Lipposq<sub>3</sub> non ocellulos,  
 Non ille rugas podicis,  
 Scabiemq<sub>3</sub> curat corporis,  
 Non ille mucum narium,  
 Sorde sue spectat crurium,  
 Sed totus a pecunia  
 Dependet amens copia.  
 Aurum senectam dimouet,  
 Aurumq<sub>3</sub> lippas corrigit,  
 Aurumq<sub>3</sub> rugas explicat,  
 Aurumq<sub>3</sub> fœda perpolit,

NOTÆ.

I.  
 Quomodo  
 nubendum.

**M**Artia, Catonis filia, cum rogaretur, cur  
 post amissum maritum denuo non nu-  
 beret; respondit, *se non virum inuenire, qui ma-  
 gis eam vellet, quam sua.* Quo dicto ostendere  
 voluit, diuitias magis in vxoribus ducendis  
 eligi solere, quam pudicitiam & morum ho-  
 nestatem: ac multos non oculis, sed digitis  
 vxores ducere. At quanta exinde sæpenum-  
 ro eueniant incommoda, quid attinet com-  
 memorare, cum res hoc ipsa cottidie com-  
 probet? Ita nunc omnes istos Euripidis ex  
 Bellerophonte Senarios in ore ferunt, quos  
 mutato genere ad fœminas transferre li-  
 ceat:

II.  
 Pecunia  
 studium  
 quam sit  
 frequens.

*Sine me vocari pestimam, vt diues vocer.  
 Nemo an bona? sed an diues? omnes querit ane.*

Non



Non quare & unde? quid habeam, tantū rogant.  
Vbiq<sub>3</sub> tanti quaq<sub>3</sub> quantum habuit fuit.

Quid habere nobis turpe sit queris? Nihil.

An diues, quærimus omnes, nemo an bona.

Aut diues opto viuere, aut pauper mori.

In eundem plane etiam sensum Phocyli-  
des:

ἵππας δ' εὐχόμεας δίζεσθαι μὴ καὶ οἶκον,  
ταύρους δ' ὑψιπένοιας, αἵ τ' εἰς σκυλάκων πτενα-  
γείας.

ἡμίαι δ' ὅσα ἀγαθὰ καὶ ἐκείνοι μὲν ἀφρονέοντες.  
ἔδ' ἐγὼ καὶ ἄνδρ' ἀπαναίνεταί αὐφνέον ὄντα.

Hoc est:

Equos autem nobiles quærimus habere in domo,

Taurosq<sub>3</sub> altæ ceruicis, & catulos venatorios.

Ducere autem in uxorem malam fœminam con-  
tendimus insipientes

Neq<sub>3</sub> mulier malum virum renuit, si diues sit.

Themistocles Atheniensis multo hac in  
parte erat sapientior. Cum enim filiam suam  
maxima cum dote pauperi cuidam, sed ho-  
nesto tamen, iuueni elocasset, reprehensus  
ob id ab amicis, Malo, inquit, generum, qui egeat  
pecunia, quam pecuniam, qua viro.

III.

Themisto-  
clis scitum  
dictum.

Dignum denique notatu est istud Plauti  
in Aulularia:

Dummodo morata recte veniat, dotata est satis.

Hæ sunt atq<sub>3</sub> aliæ multæ in dotibus magnis

Incommoditates, sumtusq<sub>3</sub> intolerabiles:

Nam quæ indota est, ea in potestate est viri.

Dotata mactant & malo & damno viros.

H 2

Lat.



*Laudant sapienter factum & consilio bono,  
Opulentiores pauperiorum filias  
Ut indotatas ducant.*

*Lepidum Martialis ad Priscam epigram-  
ma addo:*

*Vxorem quare locupletem ducere nolim,  
Queritis? vxori nubere nolo mea.  
Inferior matrona suo sit, Prisca, marito:  
Non aliter fiunt scemina virg. pares.*

## O D A XXII.

*In Grobianos inciuiles & agrestes.*

## N V C L E V S.

*Qui proficit in literis, & deficit in moribus,  
plus deficit, quam proficit.*

**E**N vt micans diademate  
Molliq<sub>3</sub> puluinario  
Sus insidens superbiat!  
Vt fastuosos ad latus  
Ocellulos intorqueat.  
Rostrumq<sub>3</sub> turgens stercore  
Diducat & distorqueat,  
Tum caudulam contortiles  
In circulos recolligat!  
Hac scilicet ciuilitas

*illa*



ODA XXII.  
Hic suam corolla cingit.

117



*Illa est, & illa vrbalitas,  
Qua Grobiani plurimi,  
Et inficeti stipites,  
Ceu sus, nitescent sordibus,  
Laudemq, censent maximam,  
Vitam suillam degere,  
Merdisq, se peruoluere,*

H

3

Ru-



Ructusq; fauce maximos  
 Tanto sono protrudere,  
 Ut, ore clauso, per uio  
 Dentes labascant impetu;  
 Mox ventris illis insuper  
 Tantos fragores addere,  
 Ut tecta bombis contremant.  
 Quod si paratum forsitan  
 Vocantur ad conuiuium,  
 Cultro in patellam prapete  
 Prae ceteris mox inuolant,  
 Lautasq; portiunculas  
 Dextra rapace subtrahunt.  
 Si quid cohaeret dentibus,  
 Late recluso gutture,  
 Cultro reuellunt sordido,  
 Spurcisq; figunt orbibus.  
 Quid multa? nulla negligunt  
 Obscenitatis crimina,  
 Et foede olentem debitis  
 Cingunt suam corollulis.

## NOTÆ.

Ciuilitati  
 morum stu-  
 dendum.

Ciuilitati morum diligenter studendum  
 Cesse, omnes monent Ethici, viriq; alii e-  
 ruditi. Certe, veteri adagio teste, qui proficit  
 in literis & deficit in moribus, plus deficit quam pro-  
 ficat. Vide Poema lepidum Poeta non illepidioris, cui  
 titulus est GROBIANVS, iocis salibusq; vndiq; re-  
 fer-



fertum. Nunc relictis sexcentis aliis, aliquot solum-  
modo Nasonis ex lib. I. de arte amandi disticha, huc  
faciextia, annectere libet.

Munditiæ placeant, fuscantur corpora campo:

Sit bene conueniens & sine labe toga.

Linguaq, nec rigeat, careant rubigine dentes:

Ne vagus in laxa pes tibi pelle natet.

Quid si præcipiam, ne fuscet inertia dentes,

Ora q, suscepta mane lauentur aqua.

Nec male deformet rigidos tonsura capillos:

Sit coma, sit docta barba resecta manu.

Et nihil emineant, & sint sine sordibus vngues:

Inq, caua nullus stet tibi nare pilus.

Nec male odorati sit tristis anhelitus oris,

Nec ladat nares, virq, paterq, gregis.

Sint modici risus, paruaq, vtrinq, lacuna,

Et summos dentes ima labella tegant.

Nec sit a perpetuo contendant ilia risu,

Sed leue nescio quid scemineuinq, sonet.

Est & in incessu pars non temnenda decoris:

Allicit ignotos illa fugatq, viros.

Carpe cibos digitis: est certus gestus edendi,

Ora nec immunda tota perunge manu.

Ne coram mistas ceruæ sumfisse medullas,

Nec coram dentes perfricuisse probem.

Certa tibi à nobis dabitur mensura b. bendi:

Officium præstent mensq, pedesq, suum.

Iurgia præcipue vino stimolata caueto,

Et nimium faciles ad fera bella manus.



*Occidit Euricion stulte data vina bibendo,  
Aptior est dulci mensa merumq; ioco.  
Vide quæ ibi multo plura sequuntur.*

## O D A XXIII.

*In eos, qui magnifici tituli excogitandis  
sunt ingeniosi.*

## N V C L E V S.

*Virtus, non titulus, clarum reddit.*


**V**Biq; iam nunc gentium  
Vagatur exul veritas,  
Odiumq; sentit maximum,  
Qui veritatem diligit:  
Mellita sed qui verbula,  
Fallace promit pectore,  
Fellita cum sint spicula,  
Et tela transfixoria,  
Hic nunc vir est amabilis,  
Totiq; mundo perplacet.  
Ars ista nunc est optima,  
Torquere verba subdole,  
Polire belle, flectere  
Et leuigare suauiter,  
Vt dulciora dulcibus  
Possint videri mellibus,  
Quibus velut lethalibus  
Effascinamur pestibus,

*Quid*



ODA XXIII.  
Leuia hic verbula expolit.

121



Quid maximos recenseam  
Titulos, quibus magnatibus  
Fastum creantes obstrepunt.  
Hic audit illustrissimus,  
Cum non tamen plus luceat,  
Fornace quam carbunculus.  
At ille praeclissimus,

H s

Cum



Cum vix misellus infimo  
 Emerferit de stercore.  
 Hunc mentiuntur prouidum,  
 Qui nescit, hordeacea  
 Quanti placenta veneat,  
 Hic audit humanissimus,  
 Cum sit Nerone sauior:  
 At ille spectatissimus,  
 Cum talpula sit caciior.  
 Hunc dictitant amplissimum,  
 Cum pectore angustissimus,  
 Re:q; sit pressissimus  
 Angustia domestica.  
 Si vota fas est promere  
 Tantum mihi superstitis  
 Vita relinqui postulem,  
 Mihi ut liceret cernere,  
 Fucata quorsum hæc deniq;  
 Ventura sit fallacia!

## NOTÆ.

I.  
 Assentato-  
 rum mores  
 qui.

EX horum numero sunt, quos Alanus de  
 complacentu naturæ palatinos canes, adula-  
 tionis artifices, fabros laudis, figulos falsitatis nomi-  
 nat.

Hi, inquit, sunt, qui magniloqua commendatio-  
 nis tuba in diuitum auribus citharizant, qui medica  
 adulationis fauos foras eructant, qui, ut emungant  
 munera, caput diuitis oleo adulationis inungunt, præ-  
 lato-



lactorum auribus pulvinaria laudum subiiciunt, qui  
ab eorum palliis aut fictitium pulverem excutiunt,  
aut vestem fictitie deplumant implumem.

Sic Iuuenalis Satyr. 3.

Quid, quod adulandi gens prudentissima laudat  
Sermonem indocti, faciem deformis amiei,  
Et longum inualidi collum ceruicibus aequat  
Herculis, Antaeum procul à tellure tenentis.  
Miratur vocem angustam, qua deterius nec  
Ille sonat, quo mordetur gallina marito.

At Petrarchæ illud dialog. 49. notandum:  
Virtus vno seu potius nullo titulo contenta, ipsa sibi  
est titulus. Et paulo post: Sapientia titulis non e-  
get: per se ipsa clara est.

## O D A XXIV.

In Bibones, belluones & pergracatores,

## N V C L E V S.

Temulentia fons scelerum.

**N**Vnc ad bibones deuenit  
Orationis series,  
Qui per tabernas urbium  
Currunt, & cenopolia,  
Exhauriuntq; pocula,  
Perduntque patrimonia,  
Cum fortenummus obuenit,

Velo-



Hic humorem amat & internum &  
externum.



*Velociores ceruulis  
Mox ad popinas aduolant,  
Et hunc bibendo digerunt.  
Quod si rei penuria  
Forsan grauari coeperint,  
Ad fœda valde crimina*

*See-*



Scelerumq<sup>3</sup> lernam turpium  
 Prono feruntur impetu:  
 Latrocinantur, turgida  
 Cultris secant marsupia,  
 Manusq<sup>3</sup> furtu mancipant,  
 Vel ostiatim postea  
 Stipem vagantes quaritant,  
 Morbisq<sup>3</sup> se miserrime  
 Fingunt grauatos maximis.  
 Pars crura nequam plurimis  
 Ligata voluit fasciis,  
 Claudosq<sup>3</sup> mentitur pedes,  
 Quos, si ferat necessitas,  
 Vix ceruulus celerrimis  
 Aequare possit cursibus.  
 Pars his adhuc scelestior  
 Falsas subornat literas,  
 Mendicatis quas vocant,  
 His mentiuntur editas  
 Ab igne clades maximas,  
 Aedesq<sup>3</sup> flammis subrutas,  
 Humore cum difflexerint  
 Liquore siue Bacchico.  
 Quid non malorum subdole  
 Excogitant fallacia?

## NOTÆ.

DE bibacitate & ebrietate Augustinus ve-  
 re: Ebrietas est flagitiorum omnium mater, <sup>I.</sup> <sup>Ebrietas</sup> quale quã-  
 cul-



*eumq; sit  
vitium.*

culparumque materia, radix criminum, origo vitiorum, turbatio capitis, subuersio sensus, tempestas lingue, procella corporis, naufragium castitatis, amissio temporis, insania voluntaria, ignominiosus languor, turpitudine morum, dedecus vite, honestatis infamia, anima corruptela. Idem alibi: Ebrietas est blandus demon, dulce venenum, suaue peccatum, quam qui habet, seipsum non habet, quam qui facit, peccatum non facit, sed totus est peccatum. Petrus Rauennas: Ebrietas mater litium, furoris generatrix, petulantiae magistra, hanc qui habet, homo non est; hanc qui habet, non peccatum facit, sed est ipse peccatum. Hac enim est rabies voluntaria, inuitatus hostis, illecebra honestatis, & pudoris iniuria.

Et quis omnia bibacitatis incommoda enarraret? quæ non tantum terrenis, sed & cœlicis spoliât bonis. Diogenes, videns hominis, vino deditissimi, ædes venales esse, ex ianuæ inscriptione: *Minime dubitabam, inquit, quod vini crapula excussa facile domum euomeret.* Plato, ut ab ebrietate discipulos suos detereretur, eos admonebat, ut se ebrios in speculo contemplarentur. Sic enim fore, ut, dum faciem suam furibundam & phrenetico similem intuerentur, in posterum ab isto vitio eo diligentius abstinerent. At nunc adeo inualuit temulentia & bibendi consuetudo, ut pugna quædam vehemens inter æmulos compotores inita videatur. Meminisse autem illos decebat Aristippi, qui iactanti cuidam,



dam, quod multum bibere posset, nec ine-  
briaretur: *Quid*, inquit, *magni* narras, cum idem  
mulus quoque prestare possit? Vel Demosthenis,  
qui, cum Philocrates & Aeschines, Atheni-  
ensium legati ad Philippum Macedoniae re-  
gem, domum reuersi, regem eo nomine lau-  
darent, quod strenue bibisset; *Hanc*, inquit,  
*virtutem cum spongia* habet communem.

## O D A XXV.

*In πολυπραγμοσύνην & superuacaneas quo-*  
*rundam curas.*

## N V C L E V S.

Spartam orna propriam.

**N**egotiis qui plurimis  
Se miscet, atque suscipit  
Maiores, quam quæ propriis  
Sufferre possit viribus,  
Et qui superuacaneis  
Distingitur laboribus  
Aliena curans munia,  
Næ stultus ille maximus,  
Sensusque prorsus impotens.

Dignus.



Hic grandia sentit &amp; loquitur.



Dignu<sup>q</sup> qui nequissimo  
Accenseatur ordini.

Hi, quantum opum Venetiis  
Fretum per Adriaticum  
Ex Insulis acceperit,  
Norunt ad vnguem; Pontifex  
Quas nuper indulgentias,

Ror-



Portam recludens auream  
 Diuiserit plebecula:  
 Quot Imperator copias  
 Conduxerit stipendio;  
 Vel quorsum easdem miserit,  
 Quot interemtis pralio  
 Hostes cruento fuderit:  
 Quid actitet rex Gallia,  
 Quid moliatür Suecia,  
 Hispania, Polonia,  
 Quid Danus, aut quid Moscicus;  
 Quid Imperator Turcicus  
 Byzantii decreuerit,  
 Quid sanxerint septemuiri  
 In nuperis conuentibus,  
 Quot ciuitates libera  
 Pecunias collegerint,  
 Vel quorsum eas impenderint,  
 Scrutantur intensissime,  
 Laboriose quaritant;  
 Quibus foret consultius  
 Multo, magisq; commodum,  
 Si prouiderent propriis  
 Domi suæ negotiis.

## NOTÆ.

CONgruo admodum vocabulo eos, qui,  
 neglectis propriis, alienis iisque captum  
 & conditionem suam excedentibus curis se  
 distor-

I.

Αλλοτριῶν  
 ἐπιστηρίων  
 quæ sit.



distorquent ac dstringunt, ἀλλοτρίοις πικρὰ πείν  
Græci dicunt, quod inspectionem super a-  
liena negotia sibi sumant. De quibus in Sti-  
cho Plautus:

*Sed curiosi sunt hic quamplures mali,  
Alienas res qui curant studio maximo,  
Quibus ipsis nulla est res, quam procurent, sua.*

II.

*Sparta pro-  
pria est ex-  
ornanda.*

Verum abeant isti πολυπερὶ γυγες, & nasu-  
tuli, Spartamque suam propriam, quam nacti  
sunt, exornare discant. Scilicet in suis ipso-  
rum domibus videbunt omnia

*In peius ruere & retro sublapsa referri.*

Habebunt igitur abunde, quod in se ipsis  
emendent, corrigant, sanent. Noui virum ap-  
prime eruditum, cuius Symbolon est: ΤΕ-  
CVM HABITA. Fortassis ad imitationem  
Poetæ:

*Tecū habita & noris quam sit tibi curta suppellex.*

Quid, quæso, accommodatius in hunc  
sensum poterat dici? Suo scilicet quemque  
se metiri modulo ac pede par est. Sed prope-  
ro & vela portum versus tendo.

## O D A XXVI.

*In subdolos & fallaces mercatores.*

## N V C L E V S.

— Laudat venales, qui vult extrudere, merces.

**Q**ui fraude non va ferrima  
Mirisq; strategematis

*Nostræ*



Decipulam hic lardo perungit



Nostro antecellunt seculo,  
 Velut pice harent muscoli,  
 Et vix queunt emergere.  
 Qui mella miscent fellibus,  
 Gratum veneno pharmacum,  
 Murina piperi stercora,  
 Formamq; possunt omnibus

I 2

Spa



*Speciosiore affingere,  
Ceu venditores plurimi  
Nouere nundinarii,  
Qui, cum superne splendida  
Et pulcra mercimonia  
Sub fraude collocauerint,  
Subtus recondunt pessima,  
Ocellulis non obuia  
Ementium, atq; vacceo  
Vix æstimanda stercore,  
In orbe sunt potissimi,  
Primasq; sedes occupant.*

*Si quid vetustate oblitum,  
Antiquitate marcidum  
Conspexerint nequissimi,  
Coloribus mox oblitum  
Recentibus consarciunt,  
Nouisq; miscunt mercibus,  
Modosq; fingunt plurimos,  
Quibus scelesti ementium  
Exhauriant crumenulas.*

*At quantum iste venditor  
A fure censet differat?  
Certe videtur admodum  
Discrimen esse paruulum.  
Ab hoc cauere quis sibi  
Potest, ab illo vix potest.*

NOTÆ.



NOTÆ.

**V**Idē quæ de mercatorum ac institorum moribus supra ad odam 16. adnotaui-  
mus, quæ & huc quam commodissime qua-  
drant. *Est quidem mercatura, secundum Aristo-  
telem lib. 1. Polit. per se non vitiosa, licet habeat  
turpitudinem. Ideoque licita est, si sit ad finem ho-  
nestum vel necessarium, id est, si negotiator lucretur  
moderate, scilicet vel ad suæ familiæ sustentationem,  
vel pauperum, vel communis. At ubi saltem tur-  
pis lucri gratia exercetur, ad decipiendos homines, ex-  
ecranda est omnibusq; diris deuouenda.*

I.

*Mercatura  
an sit licita.*

Apud Thebanos lex fuit, quæ vetuit τὸν δὲ  
μη ἐπὶ μὴ ἀποσχιδόν τῆς ἀρχῆς μὴ μετέχειν ἀρχῆς  
id est, eum qui decem annis à commerciis non absti-  
nuisset, remoueri à gubernatione. Causa non est  
vna. Primum, quia consuetudine & inclina-  
tione sunt auari, ideoque facile publicam  
rem in suam vertunt vtilitatem. Secundo, quia  
parum magnanimi aut splendidi, atque vt  
Aristotelis verba vsurpem, ἀγενὴς ὁ τοιοῦτος βίος  
καὶ πρὸς ἀρετὴν ὑπερῷος, id est, Parum generosa est  
hec ratio vitæ, & virtuti aduersa. Tertio, quia fal-  
laces sunt & dolosi vt plurimum. Quarto de-  
niq; quia in publica persona auctoritatem id  
minuit, & vt Liuius ait, *questus omnis indecorus  
Patribus est visus.*

II.

*Mercatores  
ad gubernationem non  
sunt admo-  
uendi.*

7. Polit. c. 9.

lib. 21.

III.

*Mercato-*

Si mercatorum naturam atque mores pe-

I 3

nitius



rum mores  
quales.

nitius excutiamus, passim peculiare illis esse animaduertemus, mentiri, peierare, fallere: nulla illis lucrandi ratio turpis: ita omnis eorum vita, omne studium ad quæstus, ad lucra, ad vsuras adornata est, vt dies noctesque id vnice operam dent, quomodo multos pecuniarum cumulos coaceruare, perque fas nefasque corradere possint. Etenim, si Augustino credimus, *nulli sine fraude ditescunt: lucrum habere nemo poterit, nisi fraudem fecerit.* Ideo mercator

———— *plenius aquo*

*Laudat venales, quas vult extrudere, merces.*

Et, consentiente alio,

*Periurata suo postponit numina lucro*

*Mercator, Stygiis non nisi dignæ aquis.*

Emit hic, vendit ille, portat hic, ille aspirat, hic creditor, ille debitor, hic soluit, ille recipit, alter rationes scribit: omnes autem peierant, fraudant, fallunt, nec animæ, nec corporis, nec fortunæ periculum verentur, modo lucrum sperent: non cognationes, non affinitates, non consanguinitates respiciunt, sed, secundum Poetam

———— *amicitias utilitate colunt.*

Nullis laboribus parcunt, nullis molestiis absterrentur, sed veluti extra mentis vsum constituti omnes orbis angulos cum summo vitæ & fortunæ periculo perreptant ac peruagantur. Imo, quod Horatius ait,

*Impi-*



*Impiger extremos currit mercator ad Indos,  
Per mare pauperiem fugiens, per saxa, per ignes.*

Quis vero fraudes omnes percenseat, quibus mercatores utuntur in lana, lino, serico, panno, gemmis, aromatibus, cera, oleo, vino, frumento, equis, aliisque animalibus, denique in omnium mercium genere? Quis monopolia enumeret, quibus non tantum totas ciuitates, sed & regna exhauriunt? Quis satis vituperet fugas istorum, qui non raro ingenti ære alieno cōsarcinato, constituto alibi domicilio, inde vero prostituta fide, verso solo, profugi, & sero aut nunquam redeunt, creditores fraudant, & ad desperationem ac laqueum adigunt? Ipsi sunt qui chirographis & obligationibus implicant & explicant ciues, debitorumque adeo profundas figunt radices, ut euelli deinde nequeant, sed veluti in gyrū pullulantes, & ex debitis debita germinantes vrbes earumque incolas suffocant & euertunt, omnemque substantiam inexplebilibus quasi faucibus glutiunt atque deuorant. Ut paucis dicam; omne eorum institutum non nisi mendacia, fuci, sermonum nebulæ, fraudes, furta, expilationes, insidiæ, & imposturæ manifestæ.

Hinc Græci mercatores nequaquam intra vrbes recipiebant, sed ut ciues à periculi suspitione essent immunes, à pomæriis non longe forum venalium statuebant. Pleraque aliarum gentes mercatores ad se accedere prohi-



buerunt, quod mores deprauarent. Ideoque Plato eos vituperat, quod optimos inquinēt mores, & in bene constituta Republ. lege cauendum censet, ne externarum gentium delitiæ in urbem comportentur, ac ne quis ē ciuibus, minor quadraginta annis, peregre proficiscatur, mercaturæ exercendæ gratia, exteri autem ad suos remittantur, eo quod istiusmodi hominum contagiis ciuium mores facile in peius possint mutari, vel etiam omnino depruari. Notatu dignum est monitum Augustini, quod Mercatori suggerit: vbi istud addidero, ad vltiora transibo. Ecce, inquit, *Diabolus proposuit lucrum, & mutuauit ad fraudem: lucrum habere non poteris, nisi fraudem feceris: sed lucrum esca est, fraus laqueus: sic attende escam, vt videas & laqueum, quia lucrum habere non poteris, nisi fraudem feceris: fraudem autem si feceris, capieris.*

## O D A XXVII.

*In desperatæ malitiæ adolescentes.*

## N V C L E V S.

Aethiopem lauat, qui desperatæ nequitiae  
puerum emendandum suscipit.

**V**mbra caballus virgula  
Potest domari nobilis,

Ignor-



Aquam hic in puteum infundit.



Ignobilis calcaribus  
 Petitus atq; grandibus  
 Vix concitatur fustibus,  
 Sic & puellus nobili  
 Bonaq; præstans indole  
 Verbis locum monentibus  
 Relinquit: atqui degener

I S

Nec



Nec verbulo, nec verbere  
Poteſt acerbo corrigi,  
Omnisq; diligentia  
Et omnis emendatio  
Conſumitur fruſtraneæ,  
Oleum ac opella perditur,  
Fontiq; lymphæ inſunditur,  
Nullis poteſt hortatibus,  
Nullisq; ſuaſionibus  
A prauitatis inſita  
Oeſtro ſceleſtus reprimi.  
Qualis puer, talis ſenex,  
Vt oua ſunt, ſic ſunt aues,  
Quam ſcilicet ſemel viam  
Calcauerit nequiſſimus,  
Vix hanc deinceps deferet,  
Nec vel minis, vel ictibus,  
Blandisue ſponſionibus,  
Poſthac ab huius ſemita  
Poterit reuelli greſſibus:  
Donec cruento carniſex  
Affligat iſtum premio,  
Longamq; faxit literam,  
Vel curtioſam palmula  
Reddat, rota vel enecet.  
Nam qui parentum deſpicit,  
Et Padagogi munia,  
Non is (mibi crede) alterum  
Vita meretur exitum.

NOTÆ.



## N O T Æ.

**A**D hanc odam vide quæ paulo prius ad 18. adnotavi. Hic vnum atque alterum saltem Poetæ monitum addam, de cultu & observantia parentum, quam illis liberi debent. *Liberos in parentes quales esse deceat.*

Euripides in Herc.

Nihil est tam honorificum liberis,  
Quam bono & honesto genitore esse natos,  
Et debitum honorem parentibus offerre.

Nihil est genitrici sua prole suavius.

Amate matrem, ô liberi! Non enim est amor

Vllius huiusmodi, & qui suavius ametur.

Plautus in Trinummis:

Feceris par tuis ceteris factis, patrem

Tuum si percoles per pietatem.

Comicus Græcus:

βέλα γονεῖς πρὸ πάντων ἐν πρώτῳ ἔχουσιν.

Tibi sunt parentes primo honorandi loco.

ἔλπιζε, πμῶν τὰς γονεῖς, πρῶτον καλῶς.

Colens parentes lata speres omnia.

Euripides:

Quisquis in vita sua parentes colit,

Hic & vivus & defunctus diis charus est.

Timocles:

Quicumq; patrem timet ac reueretur,

Hic in bonum ciuem euadet procul dubio,

Et hostibus incommodare poterit.

Or-



Orpheus:

*Iupiter inspicit illos, qui colunt iura parentum,  
 Et qui negligunt præ animi impudentia.  
 Ac illis quidem benignus & mitis bona largitur;  
 His vero infensus indignatur per furias.  
 Sunt enim vehementes in terra parentum furia.*

## O D A XXIIIX.

*In eos, qui maiora viribus suis suscipiunt, & qui neglectis preciosis vilia querunt.*

## N V C L E V S.

*Plumbum auro præfert, qui terrena  
 cœlicis.*

**Q***ui talibus se pragrauat  
 Negotiorum molibus,  
 Quibus fit impar viribus:  
 Vel qui relictis cœlicis  
 Terrena querit commoda,  
 Opesq; temporaneas,  
 Vanas, caducas, fluxiles,  
 Bis ille stultus inuium  
 Frangit nuces per sacculum,  
 Nec delitentem intrinsecus  
 Attingit ore nucleum.  
 Æterna vita nucleus,*

Terre-



Hic per saccum nuces frangit.



Terrena vita est sacculus.  
 Hunc sacculum conuellimus,  
 Mordemus ore, volumus,  
 Noctes diesq; mandimus,  
 Sed nucleum non tangimus.  
 Sectamur umbram luminis:  
 Sed lumen ipsum spernimus.



Os dentibus corrodimus:  
 Carnis medullam temninus.  
 Quis non furorem pessimum  
 Miretur atq; insaniam?  
 Sed & sacratae virgines  
 Vel omnium potissimum  
 Hunc pertinent ad ordinem,  
 Quae castitatem vouerant  
 Deo perennem maximò,  
 Sed omnibus sunt interim  
 Scortationis obuii  
 Libidinisq; motibus,  
 Fortassis iras hostico  
 In me fouebunt pectore,  
 Quod tam pudenda virgines  
 In sede collocauerim:  
 At rideo. Nam sapius  
 Dignum est patella operculum.

## NOTÆ.

*Terrena cœ  
 lestibus non  
 sunt praeferenda.*

SI alicui optionem dares inter aurum & plumbum, iuberetque, vtrum ex illis vellet, sumere; ille autem spreto neglectoque auro acciperet plumbum, nonne illum stultissimum esse diceret? Vtique. O insana ergo & delira mundi studia, qui neglectis bonis cœlestibus, præ quibus aurum sordere videri possit, terrenis, quæ nil nisi stercora, & quæ illis viliora, sunt, inhiat. Recte Audoe-  
 nus:

De-



*Desleret mores, si viueret, Heraclitus,  
 Nostraq; rideret tempora Democritus.  
 Quanquam ad ridendum curas & inania mundi  
 Splenis Democritus non satis vnus habet.  
 Ad casus hominum lacrymarum more rigandos,  
 Heraclite, oculi non satis ambo tui.  
 Alludit huc flosculus 98. Horruli mei Antho-  
 logicomelici, quem lubet addere:  
 Vix bona perdurant oculi terrestria nictum,  
 Collata aternis, qua sine fine, bonis.  
 Illa indefessis conatibus atq; labore  
 Querimus Herculeo: Caelica respuimus.  
 O mores reprobos! O inertia pectora! gemmis  
 Qua sibi neglectis stercora foeda legunt.  
 Si animam, inquit Chrysostomus de recu-  
 per. laps. negligamus, nec corpus saluare poterimus.  
 Animam igitur omnium curet primam, qui  
 corpus saluari cupit.*

## O D A XXIX.

*In eos, qui prudentiores sibi ipso Deo vi-  
 dentur.*

## N V C L E V S.

*Ouum præ gallina vult sapere.*

*S*ed nec Deum ter optimum  
 Ter maximumq; pessimus

*Homun-*





Homuncionum praterie  
 Furor, nec absq<sup>3</sup> scommatis  
 Sinit hunc abire liberum,  
 Sed vel cauillis obruit,  
 Vel impetum morsibus  
 Conuitiatur, corrigit,  
 Taxat, refutat, increpat:

Hic



Hic imbrium vult copiam,  
Hic siccitatem postulat:  
Huic solis aestus carpitur,  
At frigus illi disp'icet:  
Austri ille status expetit,  
Notum sed ille suspicis,  
Es nemo non prudentior  
Ipso videri vult Deo.  
Quod si veniret cœlitus  
At nos Deus iustissimus,  
Hac cogeretur singula  
Nobis magistris discere,  
Scholasq; nostras visere.  
Sed proh nefandam insaniam,  
Nefanda proh piacula!  
Audere nequam peßimum,  
Qui nescit haram verrere,  
Vel cochleare effingere,  
Deum do. ere maximum,  
Qui nil nisi est prudentia,  
Cuius potestas emicat  
Per vasta mundi climata;  
Quiq; omnium scit optime,  
Qua temporis cuilibet  
Par aeris sit qualitas,  
Et pro sua sapientia  
Recte gubernat omnia.

K

NO.



## NOTÆ.

**A**xioma à Christo ipso prolatum est Mat.  
 IO. *Non est discipulus supra magistrum, ne-  
 serum super dominum suum.* De iure docet Sal-  
 uator. De facto autem quid fiat, præsens do-  
 cet oda. Quis non quotidianas, imo mo-  
 mentaneas plurimorum hominum audi-  
 querelas? cuius aures non feriunt? Huic So-  
 nimio suo calore est molestus, ille frigus do-  
 let: Hic imbrem, qui arua prædiaque sua fru-  
 mentis obsita irriget, exposcit: ille iter ali-  
 quod aggrediens imbrem modis omnibus  
 auersatur, siccitatemque postulat. Hæc viti-  
 bus tempestas, illa hordeo, ista tritico, hæc  
 gramini non satis conueniens reprehenditur.  
*Quid multa? Quot homines, tot sententia.* Sed  
 quid de illis dicam, qui imperscrutabiles di-  
 uinæ sapientiæ abyssos insulsis suis mentibus  
 rimantes non verentur iniustitiæ atque ini-  
 quitatis Deum arguere? modo hanc modo  
 illam eius actionem cauillantes, cur proto-  
 plastos homines labi permiserit, cur pauci ad-  
 modum æternæ vitæ fiant participes, cur e-  
 contra maxima impiorum multitudo in cru-  
 ciatus infernales, perpetuo verme discrucia-  
 da, præcipitetur, cur non statim omnium præ-  
 cibus satisfaciatur, cur cæco huic visum, surdo  
 isti auditum. dementi mentem, pauperi diui-  
 tias,



tias, deformi pulcritudinem, ægro sanitatem non restituat. Hæc & similia curiosi nasutuli-que isti homunciones mirantur, non solum autem mirantur, verum etiã reprehendunt. Sed ô vecordes! ô insanos! Qui freta, qui terras, qui regit astra, Deus cur non pro lubitu suo creaturas suas moderetur? quis tempestatem ab ipso effectam, quis pluuias ab illo immittas, quis solis splendorem, quis tonitrua culpet, cum ipse solus omnium optime no-uerit, quando his omnibus sit opus?

Qui suo bono sapit, cum Boet. Deum sapientissimum sic potius affectur:

O stelliferi conditor orbis,  
 Qui perpetuo nixus solia  
 Rapido celum turbine versas,  
 Legemq; pati sidera cogis, & c.  
 Tu frondis lue frigore blumæ  
 Stringis lucem breuiore mora.  
 Tu cum feruida venerit æstas,  
 Agiles noctis diuidis horas.  
 Tua vis varium temperat annum,  
 Vt quas Boreæ spiritus aufert,  
 Renehat mitis Zephyrus, frondes & c.  
 Nihil antiqua lege solutum  
 Linquis propriæ stationis opus  
 Omnia certo sine gubernas.

Hæc verba posteriora, pii hominis animum, priora illa nebulonis indicant.



## O D A XXX.

*In eos, qui occasionem peccatis suppeditant.*

## N V C L E V S.

Vitanda non solum mala, sed &  
malorum occasio.

**N**on est malum solummodo,  
Paulo monente Apostolo,  
Nisi cauendum sedulo,  
Sed & malorum occasio.  
Qui non videri publicus  
Vis æropola postibus  
Hedram reuelle pendulam,  
Notumq; fiet omnibus,  
Nullum tuis in adibus  
Venale vinum porrigi.  
Qui fur videri non cupis  
Facto, nec esto gestibus,  
Vagolq; non ocellulos  
Ad furta circumfer tuos.  
Vin' haud vocere adultera?  
Adultera, ubterfuge  
Gestus, & haud libidini  
Occasionem suggere.  
Tales enim quamplurima

*In or-*



ODA XXX.  
Hederam hic suspendit.

149



In orbe dantur fœmina,  
Quarum licet fœdas nates  
Senilis aret rugula,  
Tamen priorum futes  
Meminere quando criminum,  
Nouo resultant gaudio,  
Et blanda delectatio

K 3

Ti-



*Titillat in praeordiis,  
 Et ad patranda talia  
 Iuenculas foemellulas  
 Sermone blando concitant.  
 Peccata nobis scilicet  
 Possent caueri plurima,  
 Si praestituta criminum  
 Pracideretur ansula.*

## NOTÆ.

**Q**ui cum hoste pugnam init, omni ex parte armatum incedere oportet. Nam si vel vnica ex parte fuerit inermis, ob id mortis periculo expositus erit. Finxerunt olim Poetæ Achillem in lacu Stygio lotum fuisse, & solas pedum illius plantas aquas illas non attigisse, vnde totum eius corpus ita forte ac validum fuisse dicebant, vt nullo modo vinci, nec feriri ad mortem posset. Per plantam vero pedis vulneratus obiit: quo significare voluerunt, nullam prorsus inermem partem hosti exponendam esse. Id ipsum & de bello spirituali dicendum est, quando cum diabolo, carne, ac mundo bellum gerimus. Curandum igitur valde nobis est, ne minimum quidem locum hostibus demus, quo vulnus infligere nobis possit. Quod quidem fiet, si passionibus omnes moderati fuerimus: Si vero vnicus affectus immoderatus, siue avaritiæ, siue ambitionis, siue gulæ, siue inuidiæ, remanserit, quamuis reliquos omnes iam rationi

sub.



subdiderimus, inde nobis mortem adsciscemus. Idem n. profecto de occasionibus, quod de passionib. dicendum est: nam licet cunctis occasionib. clauderis cordis ostium, si vni tantum occasione rimulam aperueris, ea peribis: cunctas igitur occasiones vitare omni studio debes, vt salueris. Ideo Christus Matt. 5. Paralyticum, pristinae sanitati restitutū, iubet tollere secum lectulum suum. Lectulus ille symbolum est earum rerum, circa quas peccatū, quod libet, versatur, in quib. perditī homines tam diu iacent, quādiu illi peccato adhærēt. Auarus videlicet in pecuniis, superbus in honoribus & dignitatibus, libidinosus in delitiis, conuiuiis, impudicisque sermonibus: ac deniq; quaelibet occasio peccandi est, velut lectulus quidam, in quo semel ac iterum peccatores recumbunt. Hanc ergo vult Christus illū à se amouere, qui ad animi sanitatem restitutus est. Sic Plutarch. refert, Lycurgū Spartiarum legislatorem sanxisse, omnes vineas, quæ in regno Lacedæmonia plantatæ fuerant, eradicari, eo quod Spartiatæ potationibus & ebrietatib. nimis vacarent. An prudēter ita sanxerit, nolo hic diiudicare: certe intentio principis huius laude dignissima est, q. reipubl. abusum & malū videns, non solum malū ipsum emendare curauit, sed etiā occasiones malorū. Si profan⁹ hoc princeps fecit,

K 4 quid



quid Christianis nostris hac in parte agen-  
dum, ipsi videre poterunt. Vt paucis dicam,  
qui sapis, iuxta Poetæ illud,

*Principiū obsta: sero medicina paratur,  
Cum mala per longas inualuere moras.*

## O D A XXXI.

*In eos, qui in se ipsos sunt iniuriosi, sibi, ipsis  
malum creant.*

## N V C L E V S.

*Inimicus sibi, amicus nemini.*

**V**olucris obscenissima  
Est, omniumq; pessima.  
Merda solet quæ proprium  
Contaminare nidulum.  
Sic ille nequam est pessimus,  
Qui laudis immemor sue,  
Suiq; prius nominis  
Oblitus, in famam irruit  
Iniuriosus propriam.  
Nam qui sibi haud pepercerit,  
Ut iste parcat alteri?  
Sic qui parentes liuido  
Suggillat ore proprios,  
Et qui maligne proprium

Con-



Volucris hæc proprium stercore con-  
spurcat nidum.



Coniiciatur principem,  
Suumq; prodit patriam:  
Et qui maritæ propriæ,  
Et quæ mariti proprii  
Sècreta pandit crimina  
Sic qui laboris compares,

K 5

Pari-



Pariliq<sub>3</sub> iunctos munere  
 Probris laceſſit turpibus,  
 Horumq<sub>3</sub> nauos publica  
 Pro concione prædicat :  
 Nam illies nequiſſimus  
 Ille eſt, homog<sub>3</sub> peſſimus,  
 Et non minore perditus  
 Obſcœnitate ſurciſer,  
 Quam quæ volucris proprium  
 Solet cacare in nidulum.

## NOTÆ.

I. *Quisq<sub>3</sub> ſibi eſt proximus.* **V**etus eſt verbum: Proximus ſum egomet mihi. Contra qui in ſeipſos ſunt iniurioſi, quomodo in alios poterunt eſſe æqui? Hinc Periantri monitum: *σεαυτὸν μὴ ἀμέλει. Id eſt: Te ipſum ne negligas.* Et Menandri iſte Senarius: *ἑαυτὸν δ' ἂν εἰς ὁμολογῇ κακῆρζαν.*  
*Seipſum nullus fatetur eſſe malum.*

Proinde ſi nemo in ſeipſum eſt acerbus, nec in amicum erit. Nam hæc amoris eſt natura in Philoſophicis: *Amicus meus alter ego*: Vnde cum Alexander Magnus ſocium ſecum amicum quendam deferens ad viſitandam reginam Aſiæ pergeret, & illa amicum Alexandri ipſum Alexandrum eſſe cenſens, Alexandri honores illi tribuiſſet, erroremque ſuum deprehendens erubuiſſet; *Bene*, inquit Alexander



der, factum est: nam & hic Alexander est. O rege  
dignam vocem! Ideo enim, ait Chrysostom.  
hom. 24. in I. ad Cor. autor ipse rerum Deus iam  
olim à principio sexcenta commentus est, quibus cari-  
tatem in proximos nobis inculcaret. Primum caput  
vnum omnibus dedit ipsum Adam; cur enim è terra  
non sumus, vt ad concordiam flecteret nos: nam si  
nunc, quia locis dissidemus, alienos nos inuicem puta-  
mus, si generis nostri duo principia extitissent, quid  
esset? Et ob hanc causam nec mulierem ex terra se-  
cit, sed ex costa viri, vt, quia eiusdem substantia su-  
mus, in vnum perducamur, & ex horum procreatione  
multi nascuntur affectionis modi: hunc, quia frater,  
amamus, hanc quod sit mater, illam, quia nutrix, hunc  
quia filius, illum, quia nepos, & illum, quia prone-  
pos, hanc quia filia, illam, quia neptis, hunc, quia fra-  
ter, illum, quia ex fratre nepos, hanc, quia soror, illam,  
quia ex sorore neptis, &c. Quorum ergo ex nu-  
mero istum esse censebis, qui non solum in  
amicos, socios, coniuges, liberos, verum & in  
se ipsos iniuriosi esse non verentur?

Isti autem profecto in extremo nequitiae  
gradu constituti sunt, qui, si quos in paren-  
tibus suis defectus viderint, tanta sunt im-  
pudentia praediti, vt non vereantur, pub-  
lice illos apud alios traducere, modisque  
omnibus adlaborent, quo publicae illos  
famae atque infamiae exponant. Quod v-  
bi effecerint, mirum quam tripudiant,  
quam

Amoris in-  
centina qua

Quorundam  
in parentes  
impietas  
quanta.



quam lætantur, quam, re quasi bene gesta, gestiunt! Sed quid aliud quæso agunt, quam quod se ipsos omnium ludibrio atque fabulæ exponunt? Imo duplex inde ad istos recidit incommodum. Dum enim parentes taxant, se ipsos etiam taxant, cum pater & filius vna eademque censeantur persona. Iniurius igitur in patrem in se ipsum simul iniurius est. Accedit huc, quod ratio dicitur, illos scelestissimos esse, qui parentum sese proditores exhibent. Hinc altera & turpior multo infamia in ipsos redundat. Vt paucis dicam, parricidæ sunt isti nebulones. Etenim, crede mihi, si tantum possent factis, quantum audent verbis, vita profecto parentum præsentissimo periculo esset exposita. Sed pergo ad Odam sequentem.

---

O D A XXXII.

*In Confessiones quorundam sceleratorum hominum.*

N V C L E V S.


*Qualis confessio, talis absolutio.*

**N**Equum reductos hactenus  
In ordinem re. ensui,

*Suamq;*



Nequam hic confessionem facit.



Suamq; sedem singulis  
 Pro dignitate debitam  
 Ascriptitasse me puto :  
 At nunc eorum in publicum  
 Confessiones proferam,  
 Quibus patrata nunciant  
 Delicta confessorio.

Sicri-



Si crimen, aiunt, forsitan  
Quoddam patraui, vel scelus,  
Quod vix tamen putauerim,  
Culpam remittas, obsecro,  
Et absolutum crimine  
Reddas piorum cœtui.  
O confitentem pessimum,  
Hominemq<sub>3</sub> peruersissimum!  
An vero adhuc tecum ambigis,  
Num fœda perpetraveris,  
Sceleste nequam, crimina?  
Quem tanta lerna criminum  
Contaminauit turpium,  
Et sordidatum pessima  
Contagione perdidit.  
Iustus dietim septies  
Delinquit, at tu furcifer  
Quot per diem piacula  
Committis atrocissima?  
Quæ qui notare gestiât,  
Notare stellas audeat.  
Si confiteri crimina  
Vereris, heus eur talia  
Ausu patrare sepius  
Non erubescis perfido?  
Cauere fumum qui cupis,  
Flammam caue vel supprime:  
Est flamma fumo proxima.

NOTÆ.



## NOTÆ.

**D**E vsu & necessitate confessionum elegans est Epigramma Iacobi Billii in Anthol. sacra, quod adscribere liber:

*Cum quadam immodicum fundit pars agræ cruorem*

*Vt medeare malo, vena secanda tibi est.*

*Sic tibi cum celerem minitantur crimina mortem,*

*Numinis inq̃ tuum iam cadit ira caput:*

*Te ferias, tuaq̃ in te ipsum deficiat ira:*

*Sic etenim magni concidet ira Dei.*

*Nam sese excusat, quicunq̃, accusat: inultum*

*Et finit hunc, qui se non finit, esse Deus.*

Ouid. Metamorph. lib. 10. fab. 9.

*Numen confessis aliquod pater.*

Isidorus lib. 1. cap. 12. Confessio, inquit, sanat, confessio iustificat, confessio peccatis veniam donat. Omnis spes in confessione consistit. In confessione locus misericordia est. Nulla tam grauis est culpa, quæ per confessionem non habeat veniam.

Seneca lib. de moribus: Vbi est confessio, ibi remissio. Idem ad Luc. epist. 28. Initium est salutis, noticia peccati. Nam qui peccare se nescit, corrigi non vult. Ideo quantum potes, te ipsum coargue, inquire in te, accusatoris primum partibus fungere, deinde iudicii, nouissime deprecatoris.

Ori-



Origenes: Sicut ii, qui habent intus inlufam  
 escam indigestam, aut humoris vel phlegmatis sto-  
 macho grauit & moleste imminetia, si vomuerint,  
 releuantur: ita etiam hi, qui peccauerunt, siquidem  
 occultant & retinent intra se peccatum, intrinsecus  
 vrgentur, & propemodum suffocantur à phlegmate,  
 vel humore peccati: si autem ipse sui accusator fiat,  
 dum accusat semetipsum & confitetur, simul euomit  
 & delictum, atq; omnem morbi digerit causam. In  
 Psalm. 37. hom. 2.

## O D A XXXIII.

In perditos & desperabundos homines.

## N V C L E V S.

Desperatio certa mors est. [ Ambros. super.  
 Luc. lib. 2. ]

**Q**ui demoni se deuouet,  
 In propriumq; mancipat  
 Velut istius peculium,  
 Si fors sinistra forsit an  
 Affligat aut arumpula,  
 Nebulone quous nequior  
 Ille est, & arctis nexibus  
 Cauda ligatus inferi  
 Videtur esse Cerberi.

Sipau-



O D A XXXIII.  
Caudæ hic Diaboli insidet.

161



Si paululum infortunis  
Incessit, mox perditus  
Desperat, & turpissimas  
Ore euomit blasphemias,  
Deumq; multis questibus  
Iniuriarum postulat,  
Quod immerentem talibus

E

SE



Se prosequatur ictibus,  
 Cum tam pius sit haftenus,  
 Vitamq<sub>3</sub> degat optimam.  
 Quod si preces non illico  
 Illius exaudit Deus,  
 Moramq<sub>3</sub> paruam interiicit,  
 Spe prius omni, pessimo  
 Longeq<sub>3</sub> crudelissimo  
 Sese enecat suspendio,  
 Cultroue fauces dissecat,  
 Vel in fluentem desilit.  
 Eiusmodi sicarius  
 Propriiq<sub>3</sub> latro corporis  
 Indignus est, nebulonibus  
 Quem conseras prioribus,  
 Sed illigatus foetida  
 Plutonis atri caudula  
 Pronoq<sub>3</sub> praeceps impetu  
 Ad nigra fertur tartara.

## NOTÆ.

*Desperatio  
 quâcum sit  
 peccatum.*

**D**esperatio vltimum est vitiorum, tamq<sub>3</sub>;  
 atrox ac grande, vt hominem, ea expu-  
 gnatum, ipsis Diabolis similem faciat. Illa est,  
 cui nullum remedium, nulla medela, nulla  
 salus potest adhiberi. Est quidem nobis  
 quamdiu lucis huius vsura fruimur, pœnitē-  
 tiæ ac salutis ianua nunquam occlusa, cum  
 gratiæ & bonitatis diuinæ porta omnibus  
 serio



ferio resipiscentibus peccatoribus pateat. At  
vbi desperatio istam occluserit, tūc omnino  
de nobis nostraque salute est actum. Quem-  
admodum enim iactantia & præsumptio pro-  
priorum meritorum hominem facillime e-  
uertit, ita ē contra desperatio eundem non  
modo prorsus pessumdat, verum etiam re-  
cta ad Orcum dat præcipitem. Vnde Augu-  
stinus lib. de Symbolo: *Latro, inquit, agnouit,  
& Petrus negauit. Caueat ergo bonus, ne præsumat  
per superbiam, malus vero ne desperet per malitiam.*  
Vt paucis dicam, desperatio est omnimo-  
da animæ euersio, & ad mortem eternam si-  
ne vlla gratiæ spe deductio, quia qui semel  
desperatus fuerit, ad salutem amplius non  
redibit, iuxta illud Prophetæ: *Desperavi nequa-*  
*quam faciam.* Atque eiusmodi desperabundi Ier. 2.  
oppido mihi videntur similes esse rhinocē-  
roti, qui viuus nunquā aut vix certe capi po-  
test. Statim n. vbi captum sese videt, præ indi-  
gnatione mortem sibi ipsi spontaneam infert:  
Sic isti etiam, postquam retribus Diaboli, i. e.  
peccatis sese implicatos atque inuolutos vi-  
dent, malo hoc non contenti vltro etiam in  
desperationis barathrum, nulla pœnitentiæ  
ratione habita, sese iaciunt præcipites, illudq;  
eiusdem Prophetæ crepant: *Desperauimus, post* Hier. 38.  
*cogitationes nostras ibimus.* Et istud quidem sum-  
mum est periculum, quando ille, qui bonum  
se fieri posse desperat, non eo adlaborat, vt



bonus fiat, quia, vt ait Seneca lib. de morib.  
*Nunquam se mutat, qui se posse mutari desperat.* De  
 Taxo naturalium historiarum scriptores re-  
 ferunt, quod cauda sua villosa cauernæ suæ  
 foramina vndiquaque, modo contra Australe-  
 m, modo contra Aquilonarem flatum, ne  
 qua perumpere possit, obstruat. Idem pro-  
 fecto faciunt desperati. Nam hi cordis sui ca-  
 uernas per desperationem, non solum contra  
 Australem flatum, hoc est, contra prædica-  
 tionem verbi diuini, sed etiam contra Aqui-  
 lonarem, hoc est, contra ærumnas & persecu-  
 tiones adeo obstruere solent, vt neutrum i-  
 storum vnquam admittant, sed velut furiosi  
 ac insani in propriam proni ruant perniciem.  
 Supplicibus igitur Deus est sollicitandus pre-  
 cibus, vt periculosissimum istud desperatio-  
 nis peccatum procul à nobis amoueat, &, sic  
 ubi peccauerimus (peccamus autem innum-  
 merabiliter) gratia nobis sua benignus adsit,  
 vt seria admissorum scelerum pœnitentia du-  
 cti vitam deinde emendemus, nec vnquam  
 desperationis violentia victi succumbamus,  
 quæ reuera secundum illud vulgatum,  
 gehennæ est initium & diuinæ  
 gratiæ

F I N I S.

EPI-





## EPILOGVS.

Parodia ad Oden 3. lib. 4. Carm. Horatii.

Quem tu Melpomene semel, &c.

**Q**uem fax nequitiae semel  
Viuentem reprobò lumine viderit,  
Illum non labor Isthmius  
Frugì restituet: non equus impiger  
Curru magnifico feret  
Victorem; neq; res publica honoribus  
Ornatum variis virum,  
Quod nequam tumidas contuderit minas;  
Ostendet procerum choro:  
Sed, quas Mœnvs aquas gurgite proluit,  
Vel certe arboreæ trabes  
Reddent aridulo stipite pensilem.  
Nostri CÆSARIS inclÿta  
Dignata est bonitas inter amabiles  
Vatum ponere me choros:  
Et iam dente magis mordeor inuido:  
Verum ô furcifer improbe,  
Vastos qui strepitus turpiter excitas;  
Te prædam fore piscium,  
Coruorumue, volo, si lubeat magis.  
Totum muneris hoc tui est,  
Quod monstror digito prætereuntium  
Conatus fidicen tui:  
Quod scribo, & placeo, si placeo, tuum est:









